

I KASEBYO KA MUNTU MUSONGO



Nda kulumba, Mukwesu Mann. Kubona koleta mukwesu. Mwami aku longeze. “Zyoonse zintu zilakonzeka, kosyoma buyo.” Atu kombe.

O Leza, incobeni oko mbokubede kuyandisya kwa moyo wesu sunu masiku, kusyoma buyo. Mbuli mbo twa swaangana awa sunu masiku mu cikombelo, izuba lili mukubbila kumbo, twa lomba, oyandwa Leza, kuti Uyo tu lekela kumvwisya nzila mboyi swenede maningi izuba ku kubbila akwalo ku ciindi; cili mukumana. I buzuba bwamana kale. Elyo tu layeeya ciindi cimwi buzuba no bwa kamanide kale, basikweenda bobile baka Ku tamba kunjila yebo a kukkala ambabo. Elyo mpawo Yebo waka Li yubununa kuli mbabo kwiinda mu kupandulula Ijwi Lyako a kubalekela kubona obo Kristo mbwa keelede kupenga, zyoonse zintu ezi kusaanguna.

² Aboobo twa lomba, Leza, mbuli buzuba mbo bwamana kale, cakuti Uyo njila mu maanda esu a kupona andiswe, a kupandulula Ijwi kuli ndiswe, Mwami, kutegwa tujatilile caluzyalo mbuli lubono luyandisi kuzwa kuli Nduwe, mbuli cipo mu moyo wesu. Akube kuti tuta Ci ndilili; akube kuti tu Ci lemeke lyoonse a myoyo yesu yoonse.

³ Twa Ku lumba nkambo ka ceeco Nco citila baabo mu cibbabela kuseeni kuno, alimwi aceeco Nco kacitila mulombe muniini wa Mukwesu Capps oyo wakalede, katandila kufwa, alimwi eno ngooyu uli mu nkamu ya bantu sunu masiku. Obo mbo tu Ku lumba, Taata, nkambo ka zintu ezi zyoonse!

⁴ Kopa, Mwami, kuti tukonzye kuziba nzila mbo tweelede Ku kulumbaizya. Twa buyo. . . Cila iindilila ku kumvwisya kwesu kuziba nzila mbo tweelede Ku kupa kulumbaizya. Pele, Mwami, tambula myoyo yesu mbuli zitondezyo zyakupa kulumba, kuti tula Ku yanda. Alimwi cindi twa—twa yanda kucita eco ciluleme, ko ttondezya cakucita. Twa lomba mu Zina lya Jesu. Ameni.

Inga mwakkala.

⁵ Kwasiya buti ku mbungano eyi mpati iizwide sunu masiku a ku masena oonse ku nyika ku matelefooni. Baamba kuti babelesya zya kukwabana alimwi sunu masiku.

Nda syoma mukaintu wangu ula swiilila kuli sikapepele. Tii ndakozya ku mutumina, aboobo Ndi la mutumina kwamana kuswangana oku.

⁶ Elyo tu jisi kagwalo awa kakuti kuseeni kuno Mukwesu Jackson munyo-. . . na bawisi mukuba mu ciimo cili boobu, kuti kucitika boobu kwa kuzwidilila, akube kuti akakonzye kuboola ku ng’anda juunza.

⁷ Mulombe muniini wa Mukwesu Capps, oyo wakandiita busiku bumwi, Ta ndizi naa Mukwesu Capps mwali mu nkamu ya bantu na pe, pele, alimwi mulombe wakwe muniini wakali cisidwe loko.

Elyo cakacitika buyo kuba Joseph a Ndime twakali kumselelo i ku—ku busena bwa zyakudubula, kandibamba raifo yangu niini ya twenti tu. Nda kamwaambila nyoonse kujatikizya njiyo mvwiki yainda. Elyo uyooba sikudubula uzwidilide. Elyo aboobo wa kali kuyanda kuba masimpe a kwaambila Gary a Larry eco ncakacita. Elyo wa kandaambila, ku kujoka. . . Nda kaamba, “Yebo weelede kwiima mukati a—a kwaambila Mukwesu Gene Norman kujatikizya nco.”

Wa kaamba, “Koima a kwaambila Billy kusaanguna,” i munyina.

Nakamana ku mutondezya kudubula kubotu nkwa kacita, wa kaamba, “Lino ko nditantamuna ku busena.” Mwabona?

⁸ Elyo mbo twa kasika buyo kuya, baa, fooni yakalila, elyo Billy waka zuzila mukati akubuzya. . . Nda kaamba, “Andiza nkwiitwa kwa mulwazi eno.” Elyo twa kanjila, nkabela wakali Mukwesu Capps. Elyo mulombe muniini wakajisi bulwazi bwa kuzimba bbumbu, alimwi kabeela kaniini buyo ka kukonzya kupona. Elyo Mwami waka muponya. Elyo busiku bumbi wa kaamba kuteeti wakali kuciswa musyobo umwi wa kucisa, Muka. Wood wakali kundaambila. Elyo twakali kuzwa mu kubinda, alimwi Nda biyo. . . Nda kaamba, “Muka. Wood, bwaila kale loko eno, teni okuloko, Nda zumbauzuya kuti bayo ndilekela kunjila mu busena kuya ku cibbadela.” Nda kaamba, “Ndi ya kutala ku ng’anda a kujala biyo mulyango.” Elyo Nda kaunka kutala a kukomba. Elyo baamba kuti mulombe muniini uli munkamu ya bantu sunu masiku. Aboobo tuli lumbide kuli eco. Elyo twa kabomba.

⁹ Lino tu cilindila; ta tuna mvwa pe. Ikuti na Mukwesu Leo Mercier a Mucizi Mercier bali mukuswiilila kuli sikapepele, ta tuna mvwa kuzwa kuli bauso. Tula langila kumvwa mu kaindi kaniini, obo mbwaya bulimvwa. Pele Ndili masimpe kwini kuti ulapona, aboobo tula syoma kuli Leza Singuzyonse, kuti Leza uyo mamela oyo mwaalumi, musalali wakaindi uuyandwa, mukutausi siluzibo lunji wa Makani mabotu.

¹⁰ Lino, oh, kuli zintu zinji maningi ezyo zyelede kucitwa, alimwi ciindi cisyoonto boobu ku cicita, aboobo kubikka buyo nguzu zyesu zyoonse eno muli eco nco tukonzya kucitila Mwami.

¹¹ Nda boola kufwaambaana aniini. Elyo Tii—Tii ndali kulimvwa kabotu maningi kwiinda lyoonse. Nda kakatala, kukatala buyo ncobeni, elyo Nda lilede isikati sunu. Tandina. . . Ta ndina kulya cibusulo akwalo. Aboobo Nda—Nda njila mukati, ndalala buyo aabulo isikati lyoonse. Nda

limvwide bubi, aboobo ndalala kuya. Elyo mpawo ndanjila kukomba, alimwi Nda limvwa kabotu. Alimwi ndabuka, akusama zisani zyangu, mpawo ndaboola ku cikombelo.

¹² Aboobo tu—tu lasyoma ku Mwami Jesu eno kuti Uyo longezya kusoleka kwa kukanza kwesu antoomwe sunu masiku, mbuli koonse ku cisi tula sola kunjila cibeela eci ca Mubili wa Kristo, kuti Nda kapegwa nguzu zya kusanina mbelele Zyakwe. Elyo inga Nda cita buyo nkoonya nko ndiziyi ncobeni, mu kuvozya Cakulya ceelede Nce ndizi ica mbelele.

Elyo Ndi lalindila cakuyandisya ku oora oko nko tukonzya toonse kubungana mu busena bomwe a kukambauka Zipenzyo zili Ciloba, a Mitiba iili Ciloba, a Myeembo, a zimwi zimbi. Zyoonse zila citika mukutobelana kusunisinkene. Ako nke kaambo ciyo tu tolela kutandila nsondo yoonse, mazuba aali kkumi na aainda, ku cimana mu muswaangano omwe, ikuti na twakonzya. Amuyeyeye kuti nkunji maningi.

¹³ Lino, bunji bwanu muunka kulaale. Nda langalanga awa, elyo Nda bona buyo, kaindi kainda, bantu mu Tucson. Muka. Sothmann, Nda bona Mukwesu Fred wasika kabotu. Nda mubona mu nkamu ya bantu kuseeni kuno. Elyo awo Ndi yeeya kuti ngu Mukwesu Don Ruddell uukkede awo muni lya nguwe kusule kuya, sunu masiku. Botelwa ku bona Mukwesu Don kujanika. Alimwi Junior, sa Junior nkwali kuno, na uli ku cikombelo cakwe? Ndi yeeyela kuti bali mu mafooni ku cikombelo sunu masiku.

Aboobo, nywebo nyoonse no bakwesu, tuli botedwe maningi kuti muli aandiswe sunu masiku, a kusyoma mu Mwami kuti buzuba bumwi swebo, cindi buzuba bwa buumi bwaakumana nkabela mumuni wesu muniini wa buumi bufwika waakutalika kuyabaala a kumana, ta tukayoowi bubi pe, nkambo mu ciindi coonse i—i . . .

¹⁴ Ndi jisi bulunguluzi kuli ndinywe, kutala mu—kutala ku . . .mu Arizona, kutala ku Prescott. Mukwesu Coggins wakaangululwa kuzwa ku cibbadela. Aboobo tuli lumbide maningi kuli eco. Cabota. Kuli kabotu. Aboobo tuli lumbide loko kuli eco. Mucizi Mercier, bauso bali mukuba kabotu eno. Nda limvwa buyo, no twakamana kukomba, kuti uyooba kabotu. Aboobo antela balaswiilila kuli sikapepele; Nda syoma balacita; alimwi Ndi yeeya kuti balacita. Aboobo tuli lumbide loko kuli eco, kuteeti mukwesu wesu uli—uli kabotu eno, alimwi uyooba kabotu. Aboobo twa lumba Mwami nkambo ka zintu ezi zyoonse.

¹⁵ Kajisi nkumbizyo masiku ainda; mukwesu uuyandwa kuno, Ndi yeeyela kuti inga taaba andiswe sunu. I mukwesu kuzwa ku musanza mu Kentucky, wakandumina luwaile kujatikizya mwana wakwe musimbi. Mukwasyi mubotu loko, alimwi i—i musimbi uya ku kupandulwa, mutumbu muniini

uujiisi kkulenge kusule. Aboobo tu—tu lomba kuti Leza uyo vuna mwanakazi oyu mukubusyi. Nda syoma Uyo cita, ikuti na tuyo. . .

I mbunga, toonse antoomwe, twa tola busena a kukombela bantu aaba, toonse mu nkamu yomwe. Obo mbo tweelede kucita, mbuli cizo comwe. Mbuli. . .

¹⁶ Elyo mbuli mazuba mbwaya buswena loko a kuswena loko, alimwi kuceya kwa kazila, tu—tu yanda ku swenana antoomwe loko. Ma, tu leelede kuba buyo bomwe, mubili omwe. Tu leelede kweenda antoomwe, kuluba zibi zya umwi aumwi a kwiimpana kwesu, a jatana buyo muni loko a muni loko a muni loko, mbuli mbo tubona Buzuba obo kabuswena. Kuli bunganya antoomwe, boonse a kuzuminana komwe a moyo omwe. Elyo kuti mukwesu, mucizi waleya mu nzila, munzila iili yoonse, utaciti cintu pele ko kombela muntu oyo, elyo mu luyando, lyoonse kuyeeyana kabotu kujatikizya umwi aumwi. Muta—muta lekeli umwi kuzwa. Amukkale antoomwe. Elyo, ikuti mula konzya, amu yungizye kuli njiyo, cakuzumanana, ciindi coonse.

¹⁷ Mukwesu Neville, Nda tambula nkumbizyo yako kujatikizya Mukwesu Wright, Mukwesu George Wright uukkede awa. Twa botelwa Mukwesu Wright a Mucizi Wright, kuno. . . Edith muniini, Nda. . . Buzuba bumwi twa boola, tu yanda kuba a kuswaangana kwa ciibalusyo kuno.

Tii ndakasandula lugwalo kuli Edith alimwi cindi na kaunka. Pele, Mucizi Wright, ula yeeya ciloto nca kajisi myaka minji yakainda. Elyo Nda ka kwaambila mpawo, Nda kaamba, “Ngu, Edith muniini tako pona andiswe kwa ciindi cilamfu loko eno,” nkaambo Mwami wa kaambide kale kuti uyounka, ciloto eco nca kajisi. Elyo Nda kajana bupanduluzi bwa ncico, bwakali, kuti uyo swaanganya Leza. Kutandila myaka yobile yaka cilila, waa kaunka kuyo swaanganya Leza. Lino kalindila bausyi a banyina bakwe kuti bakosole mweengo uuwandanya, aakati ka bafwika a batafwiki.

¹⁸ Leza aku longezye. Ndi yanda kusola ku kubona ndyoonya buyo, ikuti na Nda cikonzya. Aboobo Leza abe a nduwe a Shelby, alimwi bantu boonse. Nda yeeya kuti Nda bona Shelby kuseeni kuno; Tii ndali masimpe.

Yebo ula konzya kubona kabotu kutala kuya; siling’i boodi iili aansu mbuli obu, elyo ila sowa i—i mumuni mbuli obo. Yebo inga wabona tubata, pele ula konzya kubona bantu kabotu loko.

¹⁹ Lino ndyoonya buyo kuya ku Mulumbe. Oyu ngo Mulumbe ngo Ndi yanda ku bala kuzwa ku Myeelwe 19:9 a ba Efeso 5:26. Alimwi ikuti nywebo no bantu nomucesya bulunguluzi bwa cibalo, a zimwi zimbi, baa, inga mwacilemba kuniini aa mapepa.

²⁰ Elyo eno amuyeeye, ikuti na eci cili mukubikwa aa teepu. . . Ta ndizi pe. Ta ndibwene naba omwe. Iiyi, Nda bona,

Nda bona Mukwesu Terry kuya mu—mu kaanda kaku rekorda. Nkabela ikuti na cili mukubikwa aa teepu; ku bakutausi bali boonse ku busena buli boonse, kufumbwa ciindi, eci ta cigamikidwe mu kutalemeka ku kuyiisya kwanu, eci akwalo tacigamikidwe ku mbelele zyanu pe. Oyu Mulumbe, alimwi a yoonse Milumbe iimbi eyo nje Ndi kambauka, igamikwa ku mbunga yangu. Tauli wa mbungano zyanu citakuti bayanda Ku tambula. Pele Ugamikidwe ku bantu aba kuno.

²¹ I bantu balaula mateepu aya. I bantu ku nyika yoonse balaula a kwaalizya. Ziindi zinji bala lembela. Elyo lyoonse Nda baambila, ikuti na mamembala a mbungano imwi, “Amu kabone mweembeli wanu.”

²² Lino, mweembeli, Ndi yanda kuti uzibe kuti, kuti, eci nca ku mbunga yangu buyo nce Nda amba zintu ezi. Elyo Ndi jisi nguzu kucita eco, nkambo Nda kabikkwa ku Muuya Uusalala kulangilila mbelele ezi. Elyo maawe kuli ndime ikuti tii Nda baambila eco nce Ndi yeeya kuti ngu Bwini, alimwi nzila Nje yeeya mbo Bu boola. Pele Ta buli bwa nyika na mabungano amwi. Nywebo amucite eco kufumbwa cintu Leza nca mwaambila kucita. Ta ndikonzyi kumupeda bwiinguzi, alimwi tamukonzyi kundipeda bwiinguzi. Pele tweelede kupa bwiinguzi umwi aumwi wesu ku busyu bwa Leza, ku milimo yesu. Aboobo, ikuti na Nde elede kupa bwiinguzi ku mulimo wangu, Nde elede Ku kambauka mu nzila eyo Nje Nduu bona, mu nzila Mbo yubunwidwe kuli ndime. Aboobo aci zibwe eco eno.

²³ Lino mu Myeelwe 19:9, tu yanda kubala cibalo eci, na Lugwalo olu, mubwini.

Elyo muntu oyo uusalala uyo bunganya itwe lya mpwizi, alimwi uyo zibikka aanze aa cilabba mu busena busalala, alimwi ciyo bambilwa mbunga... (mulangilile eno) nkambo mbunga ya bana ba Israyeli ku maanzi akusalazya: nkusalazigwa kwa cibi.

²⁴ Amubone, kutali bantu boonse, “ku mbungano ya bana ba Israyeli; maanzi akusalazya.”

Lino mu ba Efeso, capita 5, alimwi kutalikila a kampango ka 22.

Banakazi, amulibombye ku balumi banu, mbuli mu Mwami.

Nkambo mulumi ngo mutwe wa mukaintu, akwalo mbuli Kristo ngo mutwe wa mbungano: alimwi ngo mufutuli wa mubili.

Aboobo mbuli mbungano mboili mu kulibombya kuli Kristo, abalo bamakaintu babe ku balumi babo beni mu zintu zyoonse.

Nobalumi, amu yande bamakaintu banu, mbuli Kristo awalo mwaka yanda mbungano, a kulipa nkambo kanjiyo;

Lino nceeci eco nce Ndi yanda kwaamba eno.

*Kuti akonzye kusalazya a kwiisanzya ku kusanzya
kwa maanzi aku ijwi,*

²⁵ Lino, eci cibalo ciniini sunu masiku, ikuti Nde elede kuciita kuti cibalo. Elyo Nda syoma kuti bantu awa, alimwi abalo ku masena aa mu zibelesyo zyakukwabana ku luwaile, taba kosusya eci a kuyeeya kuti cibambilidwe mu nzila ya kusanka cintu cisetekene. Nekuba, kubweza cibalo mbuli eci, inga camvwika kusanka cintu cisetekene. I ciiyo eco nce Ndi belesya ku masiku aaya ngu: *I Kasebyo Ka Muntu Musongo*. Eco cimvwika kucinca akuleta muzeezo mupya ku ciiyo, ku mukutausi oyo uulwana loko kufweba, inga wabweza cibalo mbuli eco, *I Kasebyo Ka Muntu Musongo*. Ca kacitika, kuti, cifumo cimwi cindi ni Nda kaunka ku kuvwima basikaale.

²⁶ Ikuti nywebo no bantu ku masena aali—masena aali ku redio, mu luwo, na ku mayuwe aa telefooni, mwakonzya kubona kulitondezya ku busyu bwa mbunga eyi cindi ni Nda ambilizya cibalo cangu, inga nomwaseka kuli nkuko. *I Kasebyo Ka Muntu Musongo*.

²⁷ Ee, ca kacitika coonse kutala kuya oko Baangelo ba Mwami nko balibonya kuli ndime cifumo cimwi, a balo basikaale nko bakakaambwa kuti babe. Nyoonse nywebo mula yeeya cindi no cakacitika. Alimwi, akwalo, aatala buyo a cilundu awo mpo Nda kaimvwi, akali abusena... kakutanababa buyo kukambauka Makkalo aa Mbungano zili Ciloba, kuunka kuyoovwima cifumo cimwi kakutanaba bucedo. Mpaawo kwakaimvwi...Nda kayeeya izuba lyakali kutanta mujulu, kutandila foo okuloko cifumo. Ceenzu; Nda kabona Mumuni oyo, elyo Nda kacebuka, nkabela mpaawo kwakaimvwi Zibikkilo zyamalampi zya Ngolide zili Ciloba kaziimvwi kuya aatala lya cilundu, antoomwe a fulicoongo kauboola mujulu kwiinda ku mapaipe a kwaabila ku masena.

²⁸ Kumane buyo eco, Mwami Jesu wakali bonya kuli ndiswe. Elyo ndyoonya buyo Nda kamvwa Jwi eelyo lya kaamba, “I Jehova wa Cizuminano Cakale ngu Jesu wa Cipyu.” Nkabela Ngooyo mbwakabede, kumane kaindi kaniini, kayubununa ezyo Zibikkilo zyamalampi zya Ngolide zili Ciloba. Mpawo Nda kabona eco. Mbangaye bayeeya ciiyo eco? Nda ci lembe kusule lya—i lya bbokesi lya—lya cikwa ca musyonga nce Nda kajisi mu nkomo yangu. “Jehova wa Cizuminano Cakale ngu Jesu wa Cipyu.” Leza ku Julu uulizi kuti eco cakali bwini.

²⁹ Cindi ni Nda kakosola busena awo Mpa kaliboya kuli ndime kaindi kaniini kakacilila, kujatikizya basikaale.

³⁰ Mpawo cindi ni Nda katumina mweezuma mubotu, Jack Moore, myeezi misyoonto yakacilila, ku kubuzya; cindi ni Nda katalika kukambauka Makkalo aa Mbungano zili Ciloba, Ciyubunuzyo 1. Elyo Wa kaliimvwi, katuba koonse;

masusu Aakwe mbuli boyabwambelele. Mbobuti Mbwa ngawaba, kacili a myaka iili makumi otatwe ayotatwe yakukomena, alimwi ka tuba koonse? Nkabela Mukwesu Moore, mulombwana Munakristo, mubotu maningi, uuyiide kabotu aubotezya, alimwi sicikolo, umwi wa babotu maningi oyo ngo Ndi zyi; elyo wa kaamba, “Mukwesu Branham, oyo wakali Jesu mu ciimo Cakwe cabulemu. Eyo nje nzila Mbwa boneka eno.” Pele eco tii caka bukulusya kuli ndime. Elyo Nda kazumanana kukomba kusikila buzuba bumwi. . .

³¹ Ka Ndi tana talika Makkalo aa Mbungano zili Ciloba, tii Nda kakonzya kululamika capita 1 kabotu. Mbubuti Muntu, myaka iili makumi otatwe ayotatwe yakukomena, wakabuka mu mubili nguonya ayo cakuti baaapostolo baka Mu mwii balukaa, baka Mu ziba mbwa kabede; alimwi mbobuti Mbwa konzya kuba wakaindi, ndiza myaka iili makumi aali lusela na makumi ali fuka, a boya butuba ku busyu Bwakwe, a malezu Aakwe katuba mbuli caanda?

³² Nda kabala kuya mu Bbuku lya i. . . lya Daniele, oko nkwa kaboola ku “Sikale wa Mazuba, Oyo wakajisi masusu akali kutuba mbuli boya bwambelele.” Mpawo Nda ka bona Sikale wa Mazuba. Wa kali oyo Sikale wa Mazuba, mbubuca nguwenya, sunu, amuya myaaka. Mwabona, ca kali ciiminizyo, kaindi.

Nkambonzi kutuba mbuli boya bwambelele? Elyo mpawo Nda. . . I Muuya Uusalala wakabee waamba kuli ndime kujatikizya cifoto eco nce Nda kabona cindi cimwi, ca mubetesi wakale. Mpawo Nda kaunka ku makani aakale; Nda kajokela mu makani aakale aa Bbaibbele a oonse, kuti ndizibe. Nkabela babetesi bakaindi, mbuli mupaizi mupati mu Israyeli, wa keelede kuba aa masusu a cilezu, ca mbuli boya bunji butubatuba, nkaambo kutuba aatala lyakwe cakali kwaamba kuti wakali bweendelezi bupati bwa babetesi mu Israyeli.

Elyo akwalo sunu, a kaindi myaka misyoonto yakaida, ndiza kutandila myaka iili mwaanda yakainda, na ndiza kutali mbuli obo, kaindi kakutanaba obo. Boonse babetesi ba Chikuwa, tacikwe makani obo mbwakali mukubusyi na obo mbo bakakomenede, cindi ni bakanjila ku lubeta, bakali kusama ziwiiigi zituba; elyo kutondezya kuti kwa kanyina bweendelezi bumbi, mu bwami obo, kwiindilila jwi lyabo. Ijwi lyabo cakali cimaninizyo ca bwami. Eco nco baamba, kwamana kwa ncico.

³³ Elyo eno, mpawo, Nda kabona eco. Ngooyo Wa kaliimvwi awo, pesi kali Muntu mukubusi, pele kasamide ciwiiigi cituba. Wa kali Bweendelezi, bupati buzwide. Wa kali Ijwi. Elyo Wa kajisi, kasamide ciwiiigi cituba.

³⁴ Mpawo, cakacilila cindi nakamana, alimwi i—i nkambauko, alimwi wakaunka kumbo, alimwi cindi Baangelo ba Mwami no bakalibonya kubusena kuya nkambo

ka Zinamatizyo zili Ciloba, alimwi nkabela cakazibisigwa kubuleya (eco nco tujisi cifoto ca ncico, alimwi koonse ku cisi), ngooyo Wa kalimvwi kuya, kacisamide ciwiigi a bweendelezi bupati. Ngo Mutwe wa Mbungano. Ngo Mutwe wa Mubili. Taakwe muntu uuli mbuli Nguwe, kuli koonse. “Wa kalenga zintu zyoonse kwiinda kuli Nguwe. Wa kalenga zintu zyoonse nkambo Kakwe, alimwi kakutakwe Nguwe ni kwatanaba cintu cakalengwa.” “Uli jisi bweendelezi boonse mu Julu a ansi,” nkabela zintu zyoonse zyakali Zyakwe. “Elyo muli Nguwe mukkede buzule bwa Buleza camubili.” “Elyo Ijwi wakali Leza, a kuba mu mubili wabantu aakati kesu.” Elyo Wa kali Umwi Oyo kayubununa maseseke oonse aa bukanze bwa lufutuko, olo basinsimi a bantu basongo boonse ndo bakaamba. Walo alikke wakali Omwe wakasamikidwe ciwiigi a Bweendelezi bupati.

³⁵ Lino, Nda kaima, aatala lya cilundu kuseeni kumwi, kwaka boneka mbuli kuti kwakali basikaale bamwi baka kwakwalika kuya. Elyo Nda katalika kuseluka aansii. Elyo Nda kali kokuya buyo kwa kaindi kaniini, cindi, ziteo zyakakwabbula muni lyangu, elyo mulombwana umwi mupati ncobeni kajisi ntobolo ya miluli yobile ya cintu keenda kubusena kwiinda mu ziteo kuya, elyo mbuli ku ndiyoosya mimuni ya bucedo. Nda kaunka kuya, kakkala aansii cakubinda; Nda kali yoowede kuputa, kuyoowa kuti inga wandi dubula. Nkabela ziteo kaziputa, aboobo Nda kaumuna biyo ncobeni.

³⁶ Elyo sikaale wakatalika kutanta cilundu, elyo wakadubula mu miluli yoonse kuli nguwe. Elyo aboobo wa kamwiinzya, elyo aboobo sikaale kaselukila aatala lya cilundu. Nda kayeeya, “Lino Njo zwa; coongo eco coonse cila jokoloka. Wa kagwisya nkulu mu ntobolo yakwe.”

Elyo Nda katalika kuya aansii ku cilundu, nkabela mulombwana wakadubula nkoonya kumbele lyangu. Ya kandinyonena muni ku nzila *eyi*. Elyo Nda katalika kutala kuya, kuselemuka ku nzila iimbi, alimwi a raifo ya.22 katalika, nkabela misyonga kiinzwiima aatala lyangu. Nda kaamba, “Yawe, Ndili mu busena butali kabotu.”

³⁷ Aboobo Nda kanyona a kuselemukila muni aa mulonga. Elyo Nda kayeeya, “Njo selemuka awa a kuyuba mane ba mana, kutegwa inga Nda zwa.” Elyo mu mugwagwa kunselelo, Nda kacitika ku kwela. . . Kupakamana kwangu kwaka ndikwelela kulanga ku lulyo lwangu. Elyo, mbo Nda kacita buyo, mpaawo kwaka bikkidwe cipakete ca tomwe citakwe cintu mukati oko umwi wabo nkwa kacisowela aansii, mu kuzuza koonse kwa. . . cindi basikaale nobakali kupola mu ziteo.

³⁸ Elyo Nda kabweza cipakete eci cimwi ca tombwe, nkabela ndakalanga. . . Tii ndaka cibweza; Mundi jatile. Nda kalanga aansii aali ncico. Tii ndaka cibweza pe, nkambo Tii ndakali

kubotelwa kununka kwa zintu, kuzwa ku matalikilo. Elyo Nda kalanga aansi kuya, alimwi i ngu—i kkampani ya tombwe imwi eyo Nje yeeyela Nje nteelede kwiita zina lyayo, pele muyo ziba. Ca katondezya awo, “I kasebyo ka muntu musongo a ku botelwa kwa muntu uufweba.”

Nda kacilanga cintu eco, elyo Nda kayeeya, “I kasebyo ka muntu musongo?” Nda kayeeya, “Ikuti na muntu ulakonzya kuyeeya koonse, inga tafweba pe. Mbobuti mbo cinga caba ‘i kasebyo ka muntu musongo’? I muntu musongo takonzyi kufweba nokuceya.” Mbo mbubo.

³⁹ Lino, Nda kayeeya, “Obo mbo cakali calweeno!” Lino, ayo makkampani aa tombwe eeleda kuba abana America. Eyo oh, ikuti na twa pona mbuli ku milao yesu, inga ka tubeleka kugwasyanya, ikuti na tu jisi luyando kuli umwi aumwi. Nkabela obo mbocili cakuupaupa! I kaambo nce Nda taita zina lya kkampani, Nde elede kwaamba zintu zimwi zibyaabi kujatikizya ngawo. Nkabela mbobuti cakuupaupa kufumbwa muntu mbwa konzya kuba, kupanga mali?

⁴⁰ I muntu musongo taka fwebi nokuceya. Pele obo ba buleya buna America mbo bacengwa kuli ncico; ba yeeya kuti eco ncibotu loko!

⁴¹ Lino amulange, tamu konzyi, tamu konzyi. . . Amubuzye kufumbwa muntu, basayansi, mu yoo. . . Tamu konzyi kuba a busi kakutakwe itwe. Ikuti na kuli kabeela kaniini ka busi kainda, eelyo nditwe. Alimwi ikuti na tona jana busi buli boonse, ee, yebo tobwezi itwe lili lyoonse, alimwi kwiina cintu ncobweza cili coonse. Uli mukunyonka buyo ku cisamu ciyumu. Pele kufumbwa kuti wabweza busi buli boonse, uli mukukwela kkulenge mukati, nikitini.

⁴² Ikuti nomwakali andime mwaka wainda, na kunze lya mwaka wainda, Nda syoma wakali nguwo, ku World’s Fair, cindi Yul Brynner a boonse babo nobakali kutala kuya ku kutondezya, elyo mula babona kaba bweza oyo musanga wa tombwe, kuubika mukati ka cintu cimwi, a kuukwelela a kabeela ka kambulu. Elyo dokotela oyo kabweza buntunje, kusangila koonse kuya a kugwisya nikitini kuzwa kuli nguwo, a kubikka aatala lya mbeba iituba, a kwiibikka mu kazangala. Nkabela mazuba aali ciloba nakali kumana bakali kwiigwisya. Mpawo mbeba yakazula kkulenge loko cakuti tii yakakonzya kweenda, kuzwa kuli nikitini uuzwa ku musanga wa tombwe omwe.

⁴³ Mpawo wa kaamba, “Yebo ulizi, baamba kuti ulaujana kwiinda mu kasebyo.” Wa kaamba, “Yebo tokonzyi kuba a kasebyo. . . Kufumbwa kasebyo ako kanga kagwisya nikitini, kugwisya busi,” kaamba, “nkaambo weelede kuba a busi. . . kuba a itwe kubamba busi, alimwi ngu itwe lipa kkulenge.”

⁴⁴ Elyo mpawo wa kaunka, wakaikwela kwindi mu meenda, elyo kaamba, “Ziindi zimwi uyeeya kuti inga wauseba

kwiinda.” Kaamba, “Ziindi zyoonse, eco, tacikwe makani oko nkoukwelela.” Kaamba, “Ba kaamba, ‘Tii bakabufweba mukati,’ mpawo ku bubikka mu kanwa lyabo a kuuswida.” Mpawo wa kabweza eco a kucisangila, kucibikka kungsi lya cintu cimwi kuya, a kucitondezya kuti lyakacili kkulenge. Ino ucita nzi? Kulimena moonya mu goyooyo lwako. Mwabona? Elyo tacikwe makani eco ncocita, lucili lufu. Mwabona?

⁴⁵ Elyo mpawo kuyeeya kuti kkampani inga yacenga muntu kunji, na kusola kucenga bantu babo beni. Cili mbuli ikkubi kali ponena kuli mbabo, lya musyobo walyo. Kupanga mali, kusambala lufu ku—ku cisi, a ku baalumi bakubusyi. Elyo kuzwa kuya ku bbuwa lyankondo a kubafwida, mpawo kucinca a kusambala cintu cili boobo, kungsi lya kulicengeezya kwa bubeji, “I kasebyo ka muntu musongo, pele kuyandisya kwa muntu uufweba.” Yebo weelede kufweba kuti ujane kubotelwa. “I kubotelwa kwa muntu uufweba.”

⁴⁶ Obo bantu mbo bacengwa kuli ncico, nekuba! Bala kujana. Lino, ci mucenga buyo kwiindilila. Mwabona, nca dyabulosi. Ta babikkili maanu ku buumi bwanu. Ta bakwe luyando kuli ndinywe. Bala musambalila cintu eco kuti bamu langilile buyo kamufwa, kufumbwa kuti kaba jana mali.

⁴⁷ Mbuli tunzenyu a lumamba. Ta ndisyomi mu lumamba. Ta ndisyomi kuti toonse tweelede kusola kuba aa lumamba.

Nda syoma mu Bwami bupati kuti Leza uli mukuleta, lusumpuko lupati obo buyoletwa ku bweendelezi bwa bulelo bupati Bakwe Mwini; kuya taku kabi lumamba lumbi. Cisi tacika bwezi masumo kulwana cisi cimbi. Boonse bayooba mu lumuno, lumuno Lutamani.

⁴⁸ Aboobo musyobo oyu wa lusumpuko uleta lumamba. Elyo mbo twiindila kusumpuka, kungsi ya ceeci, lumamba lunji ndo tuba alwalo. Omwe usola kusumpuka kwiindilila umwi, nkabela kusumpuka kwiindilide kuleta lumamba lunji. Mwabona?

⁴⁹ Elyo amulange cintu, kubwendelezi bwa lusumpuko olu, kuti muntu uyogwisya cintu mbuli eco. Elyo cintu buyo nco cicita, ci kucenga buyo kuti uule misanga ya tombwe minji. Nkambo na muntu kafweba misanga ya tombwe. . . Elyo Nda syoma kuti nca dyabulosi, nkabela kuli dyabulosi wa nikotini mu muntu alimwi, na mwanakazi. Elyo ikuti na musanga wa tombwe omwe uyokkutya dyabulosi wa nikotini elyo kusikila uyo kusiya alikke akuleka kukupenzya, ku musanga wa tombwe omwe. Elyo mpawo wabweza kasebyo, walekela biyo omwe kuzwa muli yotatwe ya tombwe kwiinda muya mpawo, na omwe kuzwa muli yotatwe ya nikotini eyo kwiinda muya, mpawo ciyo bamba misanga ya tombwe yotatwe kubweza busena bwa oyo omwe, nkabela uyo fweba yotatwe kuli omwe.

⁵⁰ Mwabona, makanze i—i buyo, lucengo, makanze aa kusola kusambala misanga ya tombwe. Inga basambala kunji ku nzila

eyo kwiinda mbo bakonzya kulekela buyo muntu kufweba kugama tombwe mu paipi lyakwe na mu musanga wa tombwe. Lino, mwabona, nca dyabulosi.

⁵¹ Mbuli mbo Nda kaima kandi cilangide, a kuyeeya obo mbo cakali calucengo, mubuzyo wakaboola kuli ndime. Elyo Nda kaima kusule, kalanga ku cipakete alimwi, alimwi Nda... kuboneka buyo mbuli cintu cimwi cakaamba kuli ndime, "Pele kaambyo kali kabotu, 'i kasebyo ka muntu musongo, kubotelwa kwa muntu uufweba.'" Ca kaboola kuli ndime kuti mulimo wa lucengo, alwalo, mu cilao cakunyama mbuli mu tombwe, ngu cintu cimwi mu bweende bwa mabungano asunu, mwabona, mulimo wa lucengo.

⁵² Ca boola kusikila nyika yoonse yaba aa lucengo lupati kuli eco cili bwini ncobeni a ceeco ciluleme. Mwabona, amwalo mu tunzenyu, a mu makani aa buleya, mu cikolo, mu zintu zyoonse, caba lucengo.

⁵³ I mulombwana muniini wakali kundaambila buzuba bumwi wakali ku musanza ku cilabba ca mpi, elyo silumamba mukubusyi wakalimbwa mootokala wa zilwanyo zinji; mapunga aakwe, ida lyakwe, kufumbwa cintu mbo cakabede, kadonkoka. Nkabela bakainka kutala ku cibbadela; bakajisi ba madokotela botatwe na bone bakaimvwi muya mu mundando, nkabela bantu boonse kabaimvwi mu mundando. Elyo basilumamba bobile na botatwe kaba jisilidi mweenzinyina, alimwi walo katakonzyi akuyoya... Ziindi zyoonse nakali kunga wayoya, ako kabambo kakali kunga kayasa moonya mu mapunga aakwe, alimwi eco cakali ku mubamba kuzwa bulowa munzila ya mukati. Alimwi ba kalekela muntu oyo mukubusyi kwiima awo mu mundando oyo, kulaale kusule lya mundando, a ku baleta, bamwi balombwana abo kakutakwe cintu pele kucisa mu kutwi na cintu cimwi, kuzumanana.

⁵⁴ Elyo kutandila cindi wakabuka kuya, umwi silumamba mupati wakanjila a mwana muniini oyo wakajisi bweele, mwana wakwe mulombe na musimbi wakajisi bweele ku janza lyakwe. Elyo bakaimika mundando oyo, bakabikka mwana wa silumamba mupati mukati, alimwi mulombe oyo waka donkoka, kafwa. Nceeco we.

⁵⁵ Oh, ikuti oyo silumamba mupati nakajisi luyando lwini lwa munyina kubusena kuya mu mundando, na kaamba kuti, "Oyu mwana inga walindila. Amubweze mwaalumi oyo kuya cakufwambaana, amu mucitile cintu cimwi!"

⁵⁶ Pele muntu oonse uyanda kutondezya bweendelezi bwakwe. Lino, tabali boobo boonse; peepe, tabali boobo boonse. Pele kuli banji maningi bali boobo. Kuli banji maningi babo bali boobo. Pele mwaalumi, cintu buyo nca kali kuyeeya, wa kali mwana wakwe mulombe muniini oyo

wakajisi bweele ku janza lyakwe, a kuta yeeya kujatikizya mulombe oyo mucete kaimvwi awo kapwaidwe kungsi lya mootokala uubweza zilwanyo zinji, mootokala nguonya uubweza zilwanyo zinji alimwi ndiza nguonya mulombe unga naakavuna buumi bwakwe buzuba bumwi ku bbuwa lya nkondo. Mwabona, tabaimi kuti bayeeye; cita biyo zyabo.

“I kasebyo ka muntu musongo.”

⁵⁷ Nda kacilanga, alimwi Nda kayeeya, “Ngu cintu cimwi mbuli i—i tubungwe twasunu, mabungano ayo nge tujisi.” Aimwi ili jisi kasebyo kayo keni; bali jisi musyobo wabo beni wa kasebyo. Bala lekela eco buyo cinjila nco bayanda, a ceeco citeelede kunjila; eco ncoba seba mukati a kusebela aanze, a kasebyo ka musyobo wabo beni. Ba lalekela buyo kunji loko kwa nyika kunjila kukkutya basikutasyoma abo baliko. Bayo njizya nibali bani, ikuti na bali jisi mali. Bayo banjizya nibaba bani, ikuti na bajisi mpuwo.

Pele kuli ncintu comwe kujatikizya ncico, nywebo kuti tamukonzyi kunjila mu Mbungano ya Leza mbuli obo; kutali kabungwe eno, Nda amba Mbungano iini, ncobeni ya Leza.

⁵⁸ Mbuli makkampani aa tombwe asunu, bantu banjila muli aya mabungano na tubungwe twaambwa, ali jisi kuyandisya, alimwi kuyandisya oko nkuu bubotu loko kwa nyika. Alimwi akamwi kabungwe kajisi kasebyo kako keni, nkabela bala seba kugwisya Banakristo beni boonse abo banga baamba “ameni” cindi na kali kukambauka; a kunjizya bama Jezebele boonse bageledwe masusu, a bapentedwe ku masyu abo bali mu cisi, kufumbwa kuti kabala aa mpuwo. “*Niini-a-niini* unjila kuli ndiswe...muntu wamu zipekupeku, muntu mulemu.” Oyo ngo musyobo wa kasebyo ngo babelesya. “Kabungwe kesu. *Niini-a-niini*, i mweendelezi, na i—na silumamba, na muntu umwi uzulilwa ku kabungwe kesu.” Mwabona oyo musyobo wa kasebyo ngo babelesya? Ako kasebyo, mubwini, ni nyika, bantu ba nyika.

⁵⁹ I bantu, ba lizi eco nco bayanda. Aboobo ikuti na beelede kujana eco nco bayanda, nkokuti bayo jana musyobo umwi wa kasebyo, a kunji kwa nyika nkoiyubununa, ku kkutya kuyandisya kwabo kwa nyika. “I kasebyo ka muntu musongo, kubotelwa kwa muntu uufweba.” I kasebyo kabukombi bwanyika, alimwi kubotelwa kwa muntu wanyika.

⁶⁰ Ba yanda kuba basibukombi. Ba yeeya kuti beelede kuba basibukombi, nkaambo bajisi buntu.

⁶¹ Cindi ni twaka saanguna kuboola ku cisi eci, mwaka jana muna India kakomba izuba a zimwi zimbi, nkaambo (nkaambonzi?) wa kali muntunsi. Tula joka muya kulaale mu gani lya Africa, tu jana basicisi kaba komba cintu cimwi. Nkamboonzi? Ngo bantunsi, alimwi bala yanda, baleelede kukomba.

62 Aboobo muntunsi, takukwe makani obo mbwa wide, ucizyzi kuti kuli cintu cimwi ku busena bumwi. Pele ujisi kuyandisya boobu kwa nyika, cakuti takonzzyi kubweza kasebyo kaluleme. Uleelede kuba a kasebyo kakwe kakulipangila. Umwi aumwi kubamba musyobo wabo wa kasebyo.

63 Aimwi kkampanni ya misanga ya tombwe lila likankaizya aali zyayo, eco nco bakonzzya kucita, “I kasebyo keni! Aka nke kasebyo kabotu loko! Koonse kumbele!” a oonse mbuli obo. Kaamba, “I kubotelwa kuli boobu,” na cintu cimwi, “kuzwa kumbele.” Oh, nkambo ka bubotu. “Kumbele”? Ino ncizi cili kumamanino asule lyaco, nekuba? Ta cili ncobeni muntu musongo na mwanakazi musongo. Pele eco nco baamba, kucenga buyo bantu.

64 Lino tu jana kuti, ku buzuba bwesu, kuti bantu baka jana kubotelwa. Alimwi nkaambonzi muntu nca fweba misanga ya tombwe? Nkuti a kkutye kuyandisya. Ino nkaambonzi mwanakazi nca fwebela misanga ya tombwe? Nkukkutya kuyandisya.

65 Elyo mpawo ikuti mbungano ya mvwisya, inkamu ya bukombi, ba...kunjizya bantu muya, bali jisi musyobo umwi wa kasebyo kuti kape bantu kubotelwa oko nko bayanda. Aboobo ikuti na taba jani kubotelwa kuli koonse oko nko bayanda, taba yandi misanga ya tombwe. Elyo ikuti na taba jani kubotelwa oko nko bayanda mu bukombi, taba bwezi bukombi. Lino, cantangalala mbuli mbo cikonzya kuba.

66 Banakazi mu tubbudula, masusu aageledwe, masyu aapentedwe, basamide cabwaamu, ba yanda eco. Bala botelwa eco.

67 Mbuli mbo Nda amba kuseeni sunu a Munsondo ya kainda kuseeni, aa vwili eelyo mukati ka vwili, na obo buntu buniini mukati ka muuya. Obo muuya oyo mbuuli aanze, aakati ka buntu a mubili, mboukonzzya kunanikwa ncobeni a Muuya Uusalala. Sena nyoonse mwakavwisya eco? [Mbunga yaamba, “Ameni.”—Mul.]

68 Lino kutobela eco mukati mu kuzumanana kwa Mulumbe, *I Leza Wa Nyika Eyi, I Bantu Bananikidwe Mu Mazuba Aa Mamanino*. Eco caanze, ako kabalo ka mukati...Kabalo kataanzi ngu—ngu magano aa buntunsi. I kabalo kabili ngu magano aa muuya; kuyanda, kuli yandila, kuyandisya, azimwi zimbi. Pele mukati ngu buntu; obo buntu bwa kakanzwa.

Aboobo, bala konzzya kunanikwa muuya oyu kubamba mubili waanze kweendelezegwa ku muuya. “Pele obo buntu bubisya, buyo fwa.” I buntu obo bukaka, mu kutasyoma, Ijwi Iya Leza, lili ncibeela ca mbubo, obo buntu buyooba Cabutamani...buli, lyoonse.

69 Nda syoma mu lufu Lutamani, mbubonya biyo mbwe Ndi syoma mu Julu Litamani, pele kutali gehena Itamani. Kwiina

cintu cili boobo mbuli gehena Itamani. Kuli lufu Lutamani lwa bantu abo bali... Bunji bwabo, mbakombi, mu nyika sunu, bakali fwide lyoonse.

⁷⁰ “I mwanakazi oyo uupona mu kambotwembotwe,” uujisi masusu ageledwe a busyu bupentedwe, “uli fwide kuciindi ncapona.” I Bbaibbele lya kaamba obo. Mwabona? Mwabona, inga waaba sibukombi, pele kwiina naya kufutulwa. Uujisi bubambe bweenda ibwaanze. Inga waimba mu kkwaya, na inga waa zyana mu Muuya, inga waamba mu myaambo, a kuba aa kuyubunuka koonse kwa Muuya. Pele obo buntu mukati kabatali mwana musimbi wa Leza, mwabona, uli nyonyokede, takukwe makani eco ncacita.

⁷¹ Israyeli yakali ya kumuuya koonse aanze, boonse bakazwide bubotu bwa Leza, alimwi obo mbo bakalemeka Leza, azimwi zimbi, pele eco tii cakabeleka. I ca mukati cabo tii caka konzya kuziba Ijwi Lwalyo.

⁷² Pele cindi wa zyalwa aa Muuya wa Leza, mpawo uli jisi... uli mwana wa Leza, alimwi lyoonse wakali mwana wa Leza, alimwi lyoonse unooli mwana wa Leza. Taakwe nzila yaku caandaanya, nkaambo ngu... ujisi Buumi Butamani. Alimwi Butamani kwiina nobwa katalika; alimwi tabu kamani pe.

⁷³ Oh, nkambo ka luzyalwa lwa Leza, kuti inga Uyo tupa kumvwiya kwa makani aasisidwe aali boobu! Mbuli Paulo mbwaka kanana, kuyaambeke kunselelo mu ba Efeso, ka kanana zya mwaalumi a mukaintu, a kwaamba, “Aya ngo makani aasisidwe,” obo banakazi mbo beelede kulemeka balumi babo. Akwalo busena bwabili, Nda syoma mbocibede, Bbaibbele lyoonse, kuti kulemeka kwakasolwa kwaambwa. Kaamba, “I mwanakazi, kumubona kalemeka mulumi wakwe, kulemeka mulumi wakwe.” Mpawo mulumi weelede kupona buumi buli boobo kumbele lya mukaintu wakwe cakuti mukaintu wakwe inga wamulemeka mbuli mwana wa Leza. Alimwi ikuti na taponi musyobo oyo wa buumi, ee, mpawo, mubwini, inga ta mulemeka, nkaambo ulizi nca bambidwe aaco. Pele cindi nali mwaalumi oyo mwaalumi wabulemu, wabulemu a kusalala, a mukaintu wakwe kumbele lya mukwasyi wakwe, mulanda wini wa Leza, mpawo mwanakazi, bana, a boonse, beelede kulemeka oyo mulanda wa Leza, a bulemu.

⁷⁴ Amubone eno. Mwanakazi, ba yanda kugela masusu. Ba yanda kusama tubbudula, kupenta, kunana misila. Otu tubbudula tuniini twa kusambya zintu ezi nzo ba—ba basama mazuba aano, ba yanda kucicita; alimwi kakuli ba yanda kuya ku cikombelo. Mwabona obo bunanike aa muuya, kutali aa buntu. Mwabona?

⁷⁵ Kaamba, bayanda kuba Banakristo akwalo kucita zintu ezi, nkabela mweembeli ulaamba cili kabotu. Mpawo ikuti waamba kuti cili kabotu, “Yebo inga waba membala; izina

lyako inga lyaba mu bbuku lyangu lya cikombelo awa; cili kabotu,” mpawo umupa kasebyo kakwe ka kabungwe kuti weeleele kubotelwa kwa banakazi banyika. Ula iyandisya nyika; ula yandisya kubota kwayo. Aboobo ujisi kasebyo kakwe, pele uli kule maningi ku kuba mwanakazi musongo. Pele nceeco we. Awo mpe mpawo mpe Nda kajana cibalo eci.

⁷⁶ Peepe, tali i—i mwanakazi musongo. Ikuti nakali musongo, inga nakaziba kuti cikombelo tacika mubeteki ku Buzuba bwa mamanino. I cikombelo cili mukumubeteka eno kwiinda ku bumembala bwakwe, ku syomeka kwakwe ku nkamu ya bantu oko nkwa zulilwa a ku bukkale. Bali mukumubeteka eno kwiinda kuli eco. Pele Leza uyo mubeteka ku Buzuba bwa mamanino. Aboobo tali musongo.

⁷⁷ Mbuli biyo muntu uufweba; ula yandisya musanga wa tombwe kabotu loko kusikila bubambe bwakuyeeya kwakwe bwakaba aacinywe nkambo ka nikotini. Alimwi kuyanda kwa mwanakazi kwaka mu bamba bubambe bwa kuyeeya kwakwe kuba aacinywe loko cakuti uyo cita zintu ezyo zibi mu busyu bwa Mwami, nkaambo uyanda kucicita; cila kkutya kuyandisya kwa banakazi banyika. Aboobo ula bweza kasebyo ka cikombelo canyika; ulainda moonya muli njiyo, bweelede, taakwe cintu cikupenya. Latondeezya. . .

⁷⁸ Lino tula bona awo kuti obo Mbwini. Nkabela mweembeli waamba, “Eco cili kabotu. Ta tupi banakazi mulandu wa kucita eco. Cili kabotu.” Kuli cibi ciindilide muli nco; eco nkwiinda mu kasebyo kakwe. Ula tondezya eco kuti bakaiya kwiinda mu kasebyo ka zyalwiiyo lwabukombi. Alimwi ba jisi kubotelwa kwa lwiiyo lwabukombi; alimwi bakajisi kubotelwa kwa lwiiyo lwabukombi. Pele ncobeni kwiina no cakainda mu Kasebyo ka Leza. Peepe, munene.

⁷⁹ Lino, ikuti na kuli kasebyo ka lwiiyo lwabukombi ka sikuyeeya wa lwiiyo lwabukombi, alimwi kuli kasebyo ka cikombelo ka sikuyeeya wa cikombelo, kasebyo ka musanga wa tombwe ka sikuyeeya misanga ya tombwe, ku leelede kuba kasebyo keni ku busena bumwi ka sikuyeeya wini. Elyo Leza uli jisi Kasebyo, nkabela ako ngu Ijwi Lyakwe. Ngu sikwandaanya, nkambo Ngu maanzi aakusalazya a cibi. Lino, oyo ngo muntu musongo na kubotelwa kwa muntu uusalala.

⁸⁰ Elyo ikuti na muntu wainda mu musyobo oyu wa kasebyo ka nyika, uli—uli jisi kubotelwa kwanyika. Alimwi mbuli kkampani ya tombwe, ula njizya mamembala manji mu cikombelo cakwe kwiinda muku batonta kwiinda mu kasebyo aaka. Ikuti na baamba, “Kuli banakazi banji bainka ku zikombelo kwiinda baalumi baunka.” Eco inga caba boobo. Lino, eco inga caba koonse bwini loko, cindi nakonzya kuunka a kucita kufumbwa cintu nea yanda. Eco cili kabotu. Uyo cita, uyo tola lubazu mu cintu cili coonse, pele waa kainda kwiinda

mu kasebyo ka cikombelo. Ikuti na waa kainda mu Kasebyo ka Leza, na kazwa kali bumbi kuzwa kuli eco. Mwabona? Ta kakonzya kwiinda ku Kasebyo ka Leza a kuzwa amasusu aageledwe. Takonzyi kucicita biyo.

⁸¹ Lino eci ciyooba i—i cilula aniini ndiza ku muntu umwi. Pele cindi natalika kwiinda mu Kasebyo ka Leza, alimwi Ca amba mukati muya kuti balo kabata geli masusu abo, mpawo (ninzi?) ula linjizya ku lubazu lumbi. Ikuti Ca kaamba kuti ncibi ku mwanakazi kucita cili boobo, alimwi ula lyuubausya kucita cili boobo.

“Ikuti waa yanda,” ula amba, “ee, ule elede kugela masusu aakwe.”

Kaamba, mpawo “Ko aumpula mpawo.” Elyo wa kaamba, “Tu lizi eco kuti mause ku mwanakazi kuumpulwa ku mutwe.” Kaamba, “Nkokuti alekele mutwe wakwe kuti uvumbwe.” Elyo masusu aakwe ncivumbyo; kutali ngowani, mulindu. Masusu aakwe ncivumbyo, Bbaibbele lya kaamba. Ncibotu. Citondezya kuti ngu mu Naziri ku Mwami. Masusu malamfu, ku mwanakazi, caamba bu Naziri ku Mwami. Lino, tu jana eco kuba bwini.

⁸² Pele tujana kuti muntu musongo, uuitwa obo mu nyika, ula konzya kufweba elyo kacikonzya kujana kuyandisya kwakwe, weelede kuba akuyeeya kwini kuziba kuti ujana itwe kuzwa kuli tombwe. Pele cili buyo, nco cicita, nku musambalila kunji, akumucitya kuula misanga minji ya tombwe.

⁸³ Elyo kasebyo ka cikombelo kala jana bumembala a zintu mbuli eco cindi ba balekela kwiinda mo acintu cili coonse elyo kabacizulilwa ku cikombelo, bala jana mamembala manji. Ino ikuti twa unka ku mabungano sunu masiku a kuseba bantu boonse kunze lya baabo bakali Banakristo bakazyalwa ku Ijwi kasimpe. Inga kuyooba aa nkambauko zinji zitakwe amuya kazyuuma ku bwaanda sunu masiku, cili bwini, nkambo cakainda ku Kasebyo.

⁸⁴ Elyo ikuti na Ndi jisi kuyandisya komwe mu moyo wangu, elyo Nda syoma kuti bantu boonse bala swiilila kuli ndime bajisi cintu comwe, “Leza, ndiinzye kwiinda mu Kasebyo Kako.” Mbuli Davida mbwa kaamba, “Ndi sole, alimwi ndisoleke, a kubona ikuti na kuli bubu buli boonse muli ndime, mpawo kobu gwisya, Mwami.” Mwabona? Ndi yanda Kasebyo ka Leza. Tandikwe makani inyika ncoicita, eco cikombelo nco cijisi; Ndi yanda kuba muntu musongo, kuyeeya Oyo ngo Ndi ya kwiima munsu bumwi bwa mazuba aya, ku Lubeta.

⁸⁵ Amubone, kkampani ya tombwe ila cicita kuti isambale misanga ya tombwe minji; cikombelo cila cicita kuti ijane bantu banji. I mwanakazi uujisi masusu aageledwe, uusama tubbudula, inga wa cegwa mu Kasebyo ka Leza. Ta konzyi kwiinda muli Nkako, kajisi masusu aageledwe, nkaambo Bbaibbele lya kaamba kuti taelede kucicita. Ula ubausya

mutwe wakwe cindi aa cicita. Tweelede kuciziba. Pele ulainda kwiinda ncobeni mu cikombelo kabotu, aboonse bamwi babo. Nda ima ziindi zimwi. . .

⁸⁶ Kutali kuubausya muntu uuli oonse; Ta ndaambi kugama muntu kujatikizya muntu uuli oonse, pele ngu cibi mu mbungano. Nywebo mula ndipeda bumboni kuli eco. Tii nda kaamba, “Muuka *Niini-a-niini* ngu *niini-a-niini*, na Ba. *Niini-a-niini*, na Muf. *Niini-a-niini* ngu *niini-a-niini*.” Peepe, munene. Nda amba kuti cibi ngu cibi. Ikuti na cili mu mukwasyi wangu, cili muli ndime, cili mu bantu na nguni, ci cicili cibi. Kutali kugama muntu, Ta ndaambi kulwana bantu kubagama. Ndi kanana ku lwana cibi. Ta ndikwe makani na ndime na nguni mbwabede, kotalika kwiinda mu Kasebyo ka Leza, kufumbwa cibi ciyo kwiimika mpoonya awo.

⁸⁷ Amubone. Pele mwanakazi oyo uyanda kuba a masusu mafwaafwi a kusama tubbudula, na kunana penti alimwi kufumbwa cintu, inga wainda moonya mu kasebyo ka Pentekoste cabuteteete buyo mbuli paii, taakwe kujatikizya ncico, kuya moonya mu lufu. Nkambo, wa i. . . Waa mba, “Ee, kwiina bubi muli eco.”

“Ikuti na uyanda nyika na zintu zya nyika, ngu kaambo kakuti luyando lwa Leza talumo akwalo muli nduwe.”

⁸⁸ Kuciindi coonse mu muuya oyu, mpawo, ula konzya ku kweelela mukati mu buntu bwakwe, zintu ezyo zitali zya Leza a zilwana Ijwi lya Leza, ikuti na oko nko kubotelwa mu buntu. Cila konzya kuboola kwiinda mu kulabila; *kubona*, *kulabila*. . . Inga caboola kwiinda ku *kuyeeya*, kwiinda ku *kubuzuyabuzya*, “Kwiina bubi muli ncico. Ndi jisi kuyandisya. Ndi jisi kulimvwa. Ndi jisi kulimvwa kuti eci cili kabotu.” Ula konzya kuboola nkoonya kwiinda muli eco, alimwi moonya mu buntu bwakwe, ikuti na buntu bwakwe musyobo oyo. Citondezya kuti tali mukukwela kuzwa muKasebyo ka Leza.

Pele ikuti ujisi masusu aakagelwa, kanana misila, tubbudula, tulukwe, kuboneka mbuli mwaalumi, malukwe aya oonse alimwi kufumbwa mbo baiita; kwaamba musyobo oyo wa zintu, a kucita zintu ezyo, aku ponena nyika, uyo ima; ta konzyi kwiinda Muya. Peepe, munene. Kuyo mwiimika ku matalikilo.

⁸⁹ Amubone, mwaalumi uulanga ku milomo yakwe mibotu iisubila a busyu bupentedwe, a tubbudula alimwi—alimwi a tubbudula twakusambya, alimwi kufumbwa nca jisi; muntu musongo ncobeni tako mulanga. Lino, mwaalumi oyo uuli ngu membala wa cikobelo uyo mulanga, aku mubotelwa. Pele Nsi kwe makani obo mbwa boneka ku meso, muntu musongo uyo nyona mutwe wakwe. Nkaambonzi? Wa kainda mu Kasebyo ka Leza, nkabela ulizi kuti kulanga aali nguwe mamambe mu moyo wakwe. Ta yeeyi kuti mubotu maningi.

Kwaamba, “Sa tali muntu mubotu maningi!”

Kutali kuli nguwe tacili obo. Ngu oyo Jezebele uufwabide uusampukide, uuboneka busofwi, ku muntu musongo. I mwana wa Leza ulalanga kuli nguwe a nsoni kuti akwalo uzulilwa ku mukwasyi oko nkwa zulilwa. Mbo mbubo. “Mbobuti oyo mbwa konzya kuba mucizi wangu akulilemeka mbuli obo?”

⁹⁰ Mwabona, waa kainda mu kasebyo komwe, alimwi wa kaboola kwiinda muli kambi. Ta kayeeyi kuti mubotu maningi, nokuceya. Obo tabuli bweebesi ku muntu wini wa Leza.

⁹¹ Amuyeeye, ciindi cimwi kakutanaba Bulowa bwa Jesu Kristo kuba Kasebyo, mbuli mbo tutasike mu maminiti masyoonto, “I bana ba Leza bakalaanga ku bana basimbi ba bantu, kuteeti bakali babotu, elyo bakabatola kuba bamakaintu babo.” Leza kwiina naka cilekelela pe. Alubo cakacitika, mu kweenda kwa Israyeli, elyo kwiina Leza nakaba jatila. Boonse babo bakanyonyooka.

I Kasebyo ka muntu musongo!

Nda kaza mu muswaangano kuno; mpaawo kwakali ricky muniini kaimvwi kusule awo kunze lya cikombelo busiku bumwi, kaamba kuli ndime, kutandila myaka ili yotatwe na yone yakainda, kaamba, “I kaambo yebo ncoamba eco, uli mwaalumi mudaala.” Kaamba, “Ndi yeeya kuti baboneka kabotu.”

Nda kaamba, “Inga ndayeeya eco.” Kuzwa buyo ku kuboneka kwakwe, ula konzya kuziba obo mbwakali kuboneka. Nda kaamba, “Andi kwaambile cintu cimwi. Ula myaka yongaye yakukomena?”

“Kutandila myaka iili makumi aali yotatwe yakukomena.”

⁹² Nda kaamba, “Cindi ni Nda kali myaka iili kkumi ayosanwe mwana kwiinda nduwe, Nda kayeeya cintu nciconya.” Ncibotu. Elyo cicili busofwi!

⁹³ I Kasebyo ka muntu musongo! Lino amubone, ikuti na mbwakabede, mizeezo yakwe yakasebwa kwiinda mu Ijwi lya Leza, Kasebyo ka Leza, taka mulangi pe. Ta kayeeyi kuti mubotu maningi; uyo yeeya kuti ngu Jezebele. Uyo yeeya, kuti kunze lya milomo eyo iisubila kuli meno aajisi musamu uujaya ayo aanga amuluma. Elyo Bbaibbele lya kaamba, “Milyango yakwe ngu milyango ya gehena; nkabela mwaalumi weenda kunjila muli njyoyi uli mbuli musune uya kucijailo cakwe.” Nkaako Kasebyo ka muntu musongo.

⁹⁴ Ino uyanda nzi? Cindi mwanakazi aboola kaselemuka kagwagwa kasamide mbuli obo, nkabela nywebo no baalumi mula nyona mitwe yanu, kupungula koonse mbuli obo, tamuli mukubelesya Kasebyo ka muntu musongo. Nkaambo, cindi mwacita eco, nywebo mucita mamambe, nkambo Kasebyo ka kaamba, “Kufumbwa muntu uulanga ku mwanakazi cakumusukama wacita kale mamambe a nguwe.” Ko nyona

mutwe wako, o muntu musongo. Kozwa kuli nguwe. Tali mubotu maningi. Ni nzoka; mbo mbubo, ulalinyona mbuli umwi, ulalilemeke mbuli umwi, ulaluma mbuli umwi. Kotantamuka kuzwa kuli nguwe.

⁹⁵ Oh, iiyi, Ijwi lya Leza ngu Kasebyo ka muntu musongo. Kufumbwa muntu ulizi eco. Oko nko nkuko buntu bwako nko bwakasebwa, Ijwi lya Leza. Alimwi Ka labamba, cindi waboola kwiinda muli Leza. . . Cindi muntu musongo aboola kwiinda ku Kasebyo ka Leza, kula mupa kubotelwa kwa muntu uusalala. Mbo mbubo. Cindi waboola kwiinda mu Kasebyo ka Leza, mpawo kubotelwa kwako ngu kubotelwa kwa muntu uusalala. Ku bamba kubotelwa kwa muntu mululami. I kaambo kali kabotu ncobeni.

⁹⁶ Tu jana nzila mbo cakacitwa mu cikozyanyo, muli Israyeli, ca mbunga ya Israyeli. Ako nke kaambo, ku kanana eci eno, ikuti bakutausi taba zumini acintu cili coonse eco caambwa; eci nca mbunga yangu eyo Mwami nja kandipa ku—ku kambaukila.

⁹⁷ Amubone mu Kulonga 19, Ndi yanda kuti mu cibale cindi mwasika ku ng'anda, cindi mwano jisi ciindi. Amubone, cindi Israyeli niya kacita cibi, lutaanzi bakabweza impwizi iisubila eyo yaka talina bikkwa jokwe aa nsingo yayo. Eco caamba kuti kwiina no yaka sungwa mu jokwe ku cintu cili coonse.

⁹⁸ Elyo ya keelede kuba iisubila. I mubala uusubila ngu i—i mubala wa mulungo wa cibi. Nywebo mulizi, sayansi iilizi kuti na wabweza mubala uusubila akulanga kwiinda mu mubala uusubila, ku mubala uusubila, kuba kutuba. Kulanga kwiinda mu mubala uusubila, ku mubala uusubila, kuba kutuba. Ula langa kwiinda mu Bulowa busubila ibwa Mwami Jesu, nkabela zibi zyesu zisubila zilaba zituba mbuli caanda; mubala uusubila kwiinda mu mubala uusubila.

Elyo impwizi yakali kujaigwa ku ciindi caku mangolezya, aa mbunga yoonse ya Israyeli.

Elyo kwakali kubikkwa myweengo iili ciloba ya bulowa bwayo aa mulyango awo mbunga yoonse mpo yakali kunjila; cikozyanyo ca Makkalo aa Mbungano zili Ciloba, aa Bulowa.

⁹⁹ Elyo mpawo mubili wayo wakali kutolwa aku yooupwa. Ya kaumpwa aa nsumba, aa cikutu, aa matumbo, aa buloko. Zintu zyoonse zyakaumpwa, antoomwe.

Elyo yakeelede kubwezwa a muntu uusalala, alimwi yakali kubikkwa mu busena busalala aanze lya mbunga. Aboobo, ikuti Israyeli niyakali kukonzya buyo kubona cikozyanyo! Eli Ijwi lya Leza talyeelede kujataukwa aa maanza aajisi tombe lya kutasyoma. Weelede kuba muntu uusalala. Elyo ikuti na ulasalala, kuleelede kuti wa kaboola kwiinda mu Kasebyo ka Leza.

I muntu uusalala, maanza aasalala, alimwi ya keelede kubambwa mu busena busalala; kutali mu busena oko ba Jezebele, a ba Ricky, a zintu zyoonse nko ziba acaabilo; kulya mulalilo a zintu, kakuli beenda aa banakazi, a balumi, a misyobo yoonse ya busofwi; kuunka ku zizyano a nkamu ya misobano, a kuba aa masusu aageledwe, a kusama tubbudula, azintu zyoonse zimbi, a kuliita lwabo kuti Mbanakristo. Ileelede kubikkwa mu busena busalala, a kujataukwa aa maanza aasalala.

¹⁰⁰ Elyo mpawo cindi Israyeli niya kabisya, a kuziba kuti bakacita cilubide, mpawo bakasansailwa atwe lya impwizi eyi, aali mbabo. Nkabela ayo akali maanzi aakusalazya, kusalazya kwa zibi.

¹⁰¹ Amubone. Nceeco mbocibede! Elyo cindi Israyeli, kabatana ku konzya kunjila mu luswaanano mu kukomba, lutaanzi bakali kwiinda mu maanzi aakusalazya. “Kululamikwa ku lusyomo; kula boola ku kumvwa, kumvwa Ijwi.”

Mpawo bakanjila mu mbunga kungsi lya myeengo eyo ili ciloba, i bulowa, kutondezya kuti cintu cimwi cakafwa alimwi cakaunka kumbele lyabo, nkambo ka zibi zyabo. Ba kandaanisigwa kwiinda ku kumvwa Ijwi, maanzi aakusalazya, mpawo bakanjila mu luswaanano.

¹⁰² I busena buyo Leza mbwaka swaangana muntu bwakali kunze lya ncililano eyo. Ta kali kukonzya ku muswaana kufumbwa busena bumbi. Wa keelede kuboola ku busena bwa mulao oyo. Leza wakali kuswaana Israyeli mu busena bomwe buyo.

Elyo Leza uku swaana buyo mu busena bomwe, alimwi omo muuli Jesu Kristo; alimwi Ngu Ijwi, maanzi aakusalazya. Elyo Bulowa Bakwe bwakatilwa nkambo ka Makkalo aa Mbungano zili Ciloba. Elyo mpawo, kwiinda ku Muuya Uusalala, tula njila mu luswaanano, olo lupedwe buyo ku Mbungano. Oh, obo Mbwali mupati!

¹⁰³ Akwalo, eno, tu yanda kulanga ku ba Efeso 5:26, kaamba, “Nku sanzigwa kwa maanzi aa Ijwi,” maanzi aakusalazya. Ino a Ci tanzi? Mpawo, Kasebyo ka Leza ndi Ijwi. Maanzi aakusalazya, “ku sanzigwa kwa maanzi, aakusanzigwa, kwiinda ku Ijwi,” Kasebyo ka Leza.

¹⁰⁴ Mpawo, yebo tokonzyi kuboola muli Kristo kwiinda mu kasebyo ka cikombelo. Yebo tokonzyi kunjila kwiinda mu kasebyo kakabungwe na kasebyo ka kansiyansiya. Kuli Kasebyo komwe buyo, ako kakonzya kukulekela kunjila mu busena busalala, ako nkwiinda muku “sanzigwa kwa maanzi aa Ijwi.” I Ijwi lya Leza ngu Kasebyo ka muntu musongo.

¹⁰⁵ I cikombelo ciyo kubeteka awa naa uli membala mubotu, na pe. Ba yookupa idilwe bbotu, a ndembela kuti kiipepelela aakati kupa bulemu ku lufu lwako, kutuma kuyalwa kulemu kwa malubaluba alimwi—alimwi kucita zintu zyoonse kuli

nduwe. Pele caboola kungsi ku buntu bwako kulangana aa Leza, bu leelede kuba Buumi Butamani. Elyo ikuti ngo Buumi Butamani, ngu cibeela ca Ijwi. Alimwi mbuli ijwi lyangu lini talikonzyi kukaka . . .

I janza lyangu lini talikonzyi kukaka janza lyangu. I meso aangu eeni taakonzyi kukaka janza lyangu, na itende lyangu, na kalolomi kangu, na kufumbwa cibeela cangu. Ta zikonzyi kucikaka.

Elyo muntu oyo uuli ncibeela ca Ijwi lya Leza takonzyi kulikaka, na mwanakazi, kukaka cibeela ca Ijwi lya Leza. Mpawo, no banakazi, cindi nomuyeeya kuti inga mwaba a masusu aageledwe a kunjila mu Busyu bwa Leza, muli lubide. Sena mwacibona? Nywebo muli lubide; ta mukonzyi kuboola kwiinda mu Kasebyo ka Leza oko nko mu sanzigwa ku maanzi aa Ijwi. Mpawo mula njila mu luswaanano. Nywebo muyeeya kuti mbo mubede, pele tamukonzyi citakuti mwaboola kwiinda mu Ijwi, alimwi kabeela koonse kaniini, Ijwi lya Leza lyoonse liniini. “Muntu taka poneni ku cinkwa cilikke, pele kwiinda ku Ijwi lyoonse.” Ci leelede kuboola kwiinda mu nsefa eyo, kwiinda mumo. Alimwi eco cipa kubotelwa kwa muntu mululami, nkaambo eco nca yandaula, kuyandaula cintu cimwi ca kumusalazyia.

¹⁰⁶ I Ijwi, Ijwi lya Leza ngu Kasebyo ka muntu musongo, alimwi Li bamba kubotelwa kwa muntu mululami. Tu lizyi eco mbwini; lilaseba cibi coonse ca kutasyoma. Ta kucikwe kutasyoma cindi waboola kwiinda mu Kasebyo, nkaambo ngo kubotelwa kwa musyomi wakasimpe.

¹⁰⁷ I musyomi wakasimpe uyanda kuti kaluleme, nekuba. Ta yandi buyo kwaamba, “Ee, Ndi zulilwa ku zyuuno zyabuleya. Ndi zulilwa ku cikombelo, cikombelo cipati kwinda cilimo mu dolopo.” Ta ndikwe makani na ngu kasena ka kuyiisizya zya bunakristo kali kulaale, ikuti na mbuyake bwa ziteo, kubusena bumwi, muntu musongo ulizi kuti uleelede ku swaana Leza. Elyo kutabikkila maanu kuli eco cikombelo nco caamba, na kufumbwa muntu uumbi ncaamba, uleelede ku boola ku milao ya Leza. Alimwi milao ya Leza ndi Ijwi lya Leza.

“Ee,” ba laamba, “Ijwi lya Leza.”

Masimpe, boonse babo Ndi Ijwi lya Leza, pele mula konzya kusebwa kwiinda muli Ndilyo? Mbobuti mbo muyo lekela mwanakazi ugeledwe masusu kwiinda mumo Muya? Mbobuti mbo muyoocita eco? Mbobuti mbo muyoolekela mwaalumi kwiinda Muya oyo uutako jatilila ku Njiisyo eyi? Mwabona?

Ta kuli kubotelwa kwa muntu musongo. Peepe. I muntu musongo uyo yeeya kabotu, muntu musongo uyo yeeyesya katana sotokela mu cintu cimwi mbuli eco.

¹⁰⁸ Amubone, eelyo Ijwi tali konzyi kulikaka Lini. Mpawo li likkutilide, na nku yandisya. Nku yandisya kwanzi? Ncinzi

cakapa kuti yebo Uli yande, mu busena butaanzi? Nkaambo kungsi mu buntu bwako kuli mbuto yakakanzwa eyo yakali Buumi Butamani, lyoonse kaibambidwe mukati muya, lyoonse yakali mukati muya. “Boonse abo Taata mba ka Ndi pa bayo boola kuli Ndime. Kwiina naba omwe wabo uyo sweeka.”

¹⁰⁹ I kubotelwa kwa muntu musongo, cindi muntu musongo aamvwa Ijwi lya Leza, “Mbelele Zyangu zila limvwa Ijwi Lyangu, imweenzu tazika mutobeli,” nkambo kungsi mukati muya kuli Buumi, alimwi Buumi bula swaangana a Buumi.

Cibi cila swaangana a cibi, alimwi cibi nca kuupaupa loko kusikila ciyeeya kuti cakafutulwa kakuli tacifutwidwe. Cili nkoonya mukusimpa kwakuupaupa.

¹¹⁰ I mamembala aa zikombelo ayanda kasebyo ka kabungwe kutegwa bakonzye kuba a kuyanda kwabo kwini elyo kaba ciyeeyelwa kabotu maningi kuti mbantu “bakombi.” Inga mwabamvwa ka baamba, “Oh, mukombi maningi.”

¹¹¹ Mu Africa, kali kubusena kuya buzuba bumwi, elyo bakali kwaambaula kujatikizya ezi, bamwi baaba bakali kwaambaula kujatikizya nyimbo ezi zya kuzyana kulinyonanyona bucebuce ezyo Elvis Presley abamwi nzo bakali kwiimba, Pat Boone a kufumbwa bamwi, Ricky Nelson a boonse babo bambi. Nda kaamba, “Mba nkamu ya bazangi.”

Musimbi umwi muniini wa kaamba, “Baa, mukombi maningi.”

¹¹² Nda kaamba, “Awalo Judasi mbwakabede.” Nda kaamba, “Judasi wakajana buyo nsiliva zili makumi otatwe; Elvis Presley wakajana ma milioni manji aa madollar.” Mwabona? “Boonse bakasambala bupati bwabo.” Mwabona? Nda kaamba, “Ta bali-...nciconya cilumbo cibyaabi cisi neo cijisi.” Nekuba, kucenga buyo mbuli kasebyo ka musanga wa tombwe, oto tubungwe tulekela mamembala ayo kunjila. Ta beelede akwalo kuba...Kweelede kuba mulao wakuti kaba takonzyi kwiimba nyimbo zyabukombi. Ci lwana...ceelede ku lwana mulao kuli mbabo kucicita.

Pele cintu coonse caba mulwi omwe mupati ncobeni wa kuupaupa, alimwi mpaawo mpo bakkala sunu. I bwini Kase-...[Kabeela katakwe cintu aa teepu—Mul.] ka buntu, kaamba, “Ikuti na mu yanda nyika a zintu zya nyika, akwalo luyando lwa Leza talumo muli ndinywe.”

¹¹³ Mwabona, yebo tokonzyi—yebo tokonzyi kwaamba kuti cizyano cakuli nyonanyona bucebuce nca nyika...na nca Leza. Cizyano ca kulinyonanyona bucebuce nca nyika. Kufumbwa zizyano ezyo a kasebyo...zintu zisofweede zinunka, mubwini, nzya nyika. Nzyoonse nzya nyika.

Yebo tokonzyi kwaamba kuti masusu aageledwe aa mwanakazi nca Leza. I Bbaibbele lyaamba kuti tacili obo,

aboobo mbusofwi bwa nyika. Elyo ikuti uyanda kabeela kamwi ka nyika, luyando lwa Leza taluko akwalo muli nduwe. Mwabona?

114 Ino ncinzi? Ee, ncinzi cicikwela? Ngu cintu cimwi kungsi camukati cikwela. I buntu bula kwela ku zintu zyakubelesya kwiinda kuli caanze, kungsi kwiinda mu muuya, mukati ka buntu. Nkabela ikuti buntu kabuyanda nyika, buli fwide. Tandikwe makani obo mbobu nanikidwe, caanze *awa*, alimwi mbocili cabululami caanze *awa*; kungsi mukati *awa* buli fwide. “Nkambo oyo uyanda nyika na zintu zya nyika, luyando lwa Leza talumo akwalo muli nguwe,” takukwe makani obo mbwali mukombi.

115 I Kasebyo ka bwini, eyo nzila, iyo—iyo gwisya zintu ezyo zyoonse a kuleta buyo ciimo cabwini bwa Leza, Ijwi, mu buntu bwini ncobeni.

116 Bali mbuli Esau, aanze bali kabotu. Esau wakali mukombi kuciimo caanze. Nkabela ciindi ni cakaboola ku bukombi, wakali kuboneka kuba mukombi loko kwiinda Jakobo mbwakabede. Wa kali kuboneka kuba muntu mubotu kwiinda Jakobo, pele camukati kakwe, obo mbwakabede. Wa kali mukombi ku kuboneka kwaanze, pele kuyeeya kwakwe tii kwakasebwa pe. Ta kayeeya kabotu kujatikizya bupati bwakwe. Ta—ta kayeeya kuti Leza, bupati bwakali kwaamba kunji mbuli Leza mbwa kaamba kuti mbo kwakabede. Ngooyo mbwa kabede, kaamba, “Nda fwa nzala, ino cibamba lwaandanoonzi kujatikizya bupati? Yebo inga wakatola ikuti na ula buyanda.” Oh, ma! Mwabona?

“Nda unka ku cikombelo; Ndi mubotu buyo mbuli mbobede. Kabungwe kangu kali buyo mbuli. . . Baa, nkamwi ka zipati loko mu nyika. Baama bakali kuzulilwa kuli nkako. Bataata bakali kuzulilwa kuli nkako. Coonse *eci, eco, a cimbi*. Mweembeli wangu wakali iiyide; ujisi *boobu-a-boobu*.” Eco cimubikka kulaale maningi kuzwa kuli Leza. Ako takali kasebyo ka muntu musongo.

Ikuti nikali boobo, mbobuti Petro mbwakali kukonzya kuba obo mbwakabede, kakuli takali kukonzya kusaina zina lyakwe lini? Pele wa kajisi Kasebyo ka muntu musongo. Amubone. Oh, ma!

117 Esau wa kayeeya kuti obo bupati tii bwakali kwamba eco Leza nca kaamba kuti bwakacita. Olo lwakali lwandaano aakati ka Buumi a lufu. Elyo aboobo, mbuli Eva a mbuli Judasi, bakasambala bupati bwabo ku kaambo ka kukkutula kwa kuyandisya luzibo lwa lusumpuko. Eco ncecico Eva nca kasambalila bupati bwakwe. Waa kabusambalila kubotelwa kuniini kwa sayansi, kubotelwa kuniini kwa luzibo lwa nyika, mbungano niini mbotu, nkamu niini mbotu ya bantu, sunu mboinga yaitwa. Mwabona?

Elyo Judasi wakasambala bupati bwakwe nkambo ka nsiliva zili makumi otatwe, a kupanga madollar aambi. “Mbunga yangu ilakonzya kundivozya kabotu kubusena kuno, nkabela Njo kambauka buyo kuno.” Mwabona? “Aboobo, ikuti na Nda ba mukambausi, ee . . .”

¹¹⁸ Ba kaamba, “Mukwesu Branham, tula syoma kuti Mulumbe ngwa Bwini, pele ta tukonzyi Ku tambula. Ikuti na twacita, baa, nkokuli nko tuyo uukambaukila?” Huh! I nyika, mukwesu, obo mbobukkale bwa bantu. Masimpe. “Ee, taakwe wa bakwesu inga uyo ndiiminina.” Ta—Ta ndiyandauli umwi wa bakwesu ku ndiiminina. Ndi yandaula Jesu Kristo ku ndiiminina, nkaambo Wa Ka Wiiminina. Ngo Umwi Oyo waka Uaamba.

¹¹⁹ Elyo cindi bupati bwini, Bulowa, bwakasebwa kwiinda mu Ijwi; a cibi coonse, a nyika, a mbungano, a tubungwe, ciimo ca bumembala bwa nkamu, zila syaala aanze. Lwiiyo, lusumpuko, mbungano, kabungwe, ciyanza, zibi zya misyobo yoonse zisyaala aanze cindi mu musongo nabweza Kasebyo ka muntu musongo, mu kuyeeya kwa Leza.

¹²⁰ Taakwe cintu cicaala muli ncico cindi muntu akwela buumi bwakwe—bwakwe kwinda mu Kasebyo ka Leza; amubone, awa buumi bwako bwa kanyongana koonse ku cibi, nkambo yebo wa “kazyalwa mu cibi, kabambwa mu milandu, kaboola ku nyika kwaambaula bubeji.”

Ndi yoamba cintu cimwi, mbuli Mukwesu McCullough mbwakali kunga kaamba. Amu ndiswiilile.

¹²¹ Cindi mwaboola mu nyika eyi, mwakazyalwa mu cibi. Tii mwa kaboola akwalo a ciindi ca kulwana. Mwaka “zyalwa mu cibi, kabambwa mu milandu, kaboola ku nyika kwaambaula bubeji,” mukati ka muuya wanu wini, kuyandisya kwa cibi, sikuyanda cibi nkaambo mwaka zyalwa mu cibi. Tii mwaka jisi a ciindi.

Pele kuni ka mukati kanu, kubusena bumwi, awa mwaka boola, kwakali cintu cimwi mukati muya cakatalika kukwela. Ikuti nomwali kuzi, ca kali cintu cimwi ca kamwaambila kuti kwakali Leza kubusena bumwi; elyo mwakabala Ijwi Lyakwe. Mpawo mwakasala ku mbungano, mwaka bweza mizeezo yabo cindi nomwa kaambilwa kabotu, nkabela kwiina nomwa kabelesya Kasebyo ka muntu musongo. Pele cindi mwabelesya Kasebyo ka Leza, kali ngu Kasebyo ka muntu musongo, nkaambo, “Toonse tusebyo tuyo loba, pele Kangu pe.” Elyo cindi mwabweza Kasebyo ka Leza a kukwela kuzwa ku buumi bwako, kuyandisya kwako; ikuti na mwakwela kuyanda kwanu kwiinda mu Kasebyo ka Leza, Kasebyo ka muntu musongo, kwiina cintu cisyala pele Muuya Uusalala.

¹²² Lino, ikuti na muyanda citondezyo ca Muuya Uusalala, nceeco we. Cindi buntu obo bwakwela buumi bwako bwa

eendelana aa Ijwi lya Leza, mu ciimo coonse, citondezya kuti wakainzya buumi bwako kwiinda mu Kasebyo ka muntu musongo, Kasebyo ka Leza.

¹²³ Amubone, ngu Kasebyo ka Leza na? Wa kaamba, “Twa kasanzigwa kwiinda ku maanzi aa Ijwi.”

Elyo cindi Leza nakapa Adamu a Eva Kasebyo, mu muunda wa Edeni, Wa kaamba, “Muta kweli cintu *eci* mukati muya.” Pele Saatani wakadonkola kapulo muli Nkako, kaamba, “Oh, mpa niini buyo, taka konyonganya.” Kukompama komwe buyo, kwiinda mukati, kwamana nce cakatola kubikka lufu mu mukowa wa bantu.

¹²⁴ Kwamana nce citola, kulabila komwe buyo kwa nikotini, mpawo ba nyonyooka.

¹²⁵ Taakwe cintu casyaala cita Muuya Uusalala.

¹²⁶ Elyo mpawo citondezya kuti muli nduwe mwakali mbuto eyo yakakanzwa kungsi mukati ka nduwe, eyo iikubamba kufwa nzala ya Leza. “Boonse abo Taata mbaka Ndi pa, mba Ndi pa ku nununa; ba kafwa a Ndime aa Kalivari; ba kabuka a Ndime mu bubuke; boonse abo Mba Ndi pa, bayo boola kuli Ndime. Ba yoobikkwa mu Mubili, oko tende, kuboko, mpemo, mulomo, kufumbwa mbocibede; ziyo bikkwa mukati Muya. Elyo bayo boola kuli Ndime mu cindi ceelede cabo.” Oh, ma!

¹²⁷ Nkaako kusebwa kwini kwa zibi zyoonse zya nyika, nkabela luyando lwa nyika luli fwide, nkabela obu buntu bukwela buyo cintu comwe. Nceeci mbocibede, muta... Amuyeeye! Muta cilubi. Nyoonse nywebo ku masena ayo ku matelefooni, acimvwigwe eci mu mizeezo yanu. Cindi muntu musongo aatalika ku yeeya Oyo ngwaya kwiima kumbele, akuti Ijwi lya Leza ninzi; cindi aatalika kuyeeya, mpawo cindi akwela kwiinda muli Eco, taakwe cintu cikonzya kucijana cita Muuya Uusalala.

Ino ncinzi? Ni nseke, Ijwi lya mbuto kuzwa ku matalikilo, kuti mwakali muli Leza ku matalikilo, kamwiimvwi awa kamukwela Buumi bwa mbuto. I mbuto ili mu moyo wanu, kwiinda ku kusalwa kale. Aleluya! I mbuto ili kale mukati muya, kwiinda ku kuzibwa kale kwa Leza, yakakanzwa. Elyo ciindi yakwela, ila kwela kwiinda mu Ijwi buyo.

Elyo mpawo ngu kubotelwa kwa muntu musongo, muntu mululami, muntu uusalala oyo uubona Bbaibbele, kuti Jesu Kristo ngu mbobuca nguwenya amuya myaaka. Ino ncinzi ciboola mu busena obo kungsi awo? Ijwi Eelyo, ilili mu moyo. “Nda kasisa Ijwi Lyako mu moyo wangu, cakuti ta Ndi konzyi ku Ku bisizya.”

Ino ncinzi, cindi ca kwela kwiinda mu Ijwi? Kuli cintu comwe buyo eco cikonzya kwiinda mu Ijwi; oyo Muuya Uusalala. Eco nce cintu cilikke cikonzya kwiinda mu Ijwi, ngu Muuya Uusalala. Alimwi Kasebyo ka muntu musongo kapa kubotelwa kwa muntu uusalala.

¹²⁸ Mpawo, wa kalabila zintu zya Kujulu; uujisi Ijwi lya Leza mu moyo waakwe. Ula Li bona kaliyubununwa kumbele lyakwe, elyo buntu bwakwe boonse bu zambaidwe muli Ndilyo, alimwi nyika a zintu zyoonse zili fwide koonse kuli nguwe.

¹²⁹ I Kasebyo ka muntu musongo, ka bukombi; alimwi Ndi yeeya bukombi buseba eno. Cindi Kasebyo ka muntu musongo kapa kubotelwa kwa muntu uusalala, mwabona, Ka lakkutya kuyandisya kwakwe. Ulabona kuti Jesu Kristo ngu mbobuca nguwenya, sunu, amuya myaaka. Nceeco we. Ku Mu bona nkoonya kumbele lyesu, kacita zintu nzi zyonya Nzya kacita; kula kkutya kulabila kwa muntu uusalala, kuyeeya kwakwe.

¹³⁰ Ulizi mpawo kuti wakazwa ku lufu kuya ku Buumi. Elyo ula botelwa, alimwi—alimwi—alimwi kula botelwa nyika... ku kutondezegwa, alimwi kuyanda Ijwi kutondezegwa a kusimpikizigwa. Mu bukkalo abukkalo ula Li lindila, nkambo ngu muntu uusalala nkabela uyandisya kubona Leza. Bamwi bayanda kunjila buyo cikombelo. Oyu muntu uyanda kubona Leza. Ta Mu boni mu cikama ca tunsiyansya. Ta Mu boni mu maogani aatupila mapati mabotu, na mu cikombelo cipati ca cooko, a ziingano zilamfu, na basicikolo bayiide maningi a baciimo cakuli kankaizya. Ta Mu boni mu lwiiyo lwabukombi a muli basilwiiyo babukombi. Ula Mu bona mu kutondezegwa kwa Ijwi Lyakwe.

Nda Mu bona mu mililo ya masiku iya Ncico.
 Meso aangu abona bulemu bwa kuboola kwa Mwami;
 Ula enda cakujintaula waini awo misaansa ya bukali mpo yobwedwe;
 Wa kaangulula lulabo lukali kwinda ku ceba Lyakwe liyoosya alifwamba;
 Bwini Bwakwe bula zumanana kweenda. (Bu yocita, kusika ku mamanino. Iiyi, munene.)

¹³¹ Mwabona eco nce Nda amba? I Kasebyo, muntu... Na, Kasebyo ka muntu musongo; muntu uuyanda kwiima mu Busyu bwa Leza. Ino Kasebyo ka Leza kakali nzi? Ijwi Lyakwe. "I buzuba mbo muyoolya kuli nguwo, buzuba obo muyoofwa." Tandikwe makani kuli eco cicitika kubusena awa; mutaindilili Ijwi eelyo. "Kusanzigwa kwiinda ku maanzi aa Ijwi," Kasebyo ka muntu musongo. Kutali kabungwe, kutali kansiyansiya, kutali cikombelo, kutali mu cikombelo ca cooko; pele Kasebyo ka muntu musongo, nkaambo muyo betekwa kwiinda ku Ijwi. I muntu musongo uyo yeeya eco. I muntu mufubafuba, na kuyandisya kwa nyika, kuyo bweza buyo kufumbwa cintu, ciiminizyo. Nkaambonzi ciiminizyo kakuli kuli Cimwi cakasimpe?

¹³² Amuyeeye, amuyeeye buyo kwa kaindi kaniini. I mwanakazi ka kanana mu myaambo, kajisi masusu aageledwe a misila ku milomo, alimwi mpawo cikombelo cicijatilila kuli ncico, kuti eco ngu citondezyo ca Muuya Uusalala.

¹³³ Na mukambausi kuzwa ku seminari na cikolo cimwi ca Bbaibbele, kubelesya lubapatizyo lwa muntu uusyoma mu butatu bwa buleza, na kutabweza ciimo ceelede ca Ijwi, kuya ku kansiyansiya kamwi na kabungwe. Sena ako ngu Kasebyo ka muntu musongo? Kutali nzila obo Ndi cibona, mukwesu. Ngu muntu mufubafuba uukwela kwiinda muli eco. Mbo mbubo. Sena inga mweezezya eco? Mu busena bwa kubelesya Ijwi lya Leza kuba Kasebyo ka buntu bwakwe; kulekela kansiyansiya ako kakaindi a cilwi cakabungwe aatala lya nguwe mbuli obo, mu busena bwa kubweza Ijwi lya Leza kuba Kasebyo. Alimwi mpawo uli sofweede koonse, a kubalekela koongelezegwa mu njiisyo kuli nguwe izya bantu, kucita zintu, “kutandila kucenga mbabonya Basale,” a kutabikkila maanu Ijwi.

Cindi, nakonzya ku kwela buntu bwakwe bwini, kuti na kuli cintu mukati muya ca kukwezya. Pele ikuti eyo mbuto yakakanzwa . . . Muta iindwi eci. Ikuti eyo mbuto yakakanzwa taili mukati muya, taika kweli kwiinda Muya, nkaambo iyo kwelela kuyanda kwayo.

¹³⁴ Ikuti muntu uufweba uyanda kubotelwa kwa muntu uufweba, elyo ikuti wa jata musanga . . . Nda amba, “Konyonka kanwe kako,” nkabela waima awo kanyonka kanwe kakwe. [Mukwesu Branham wanyonka kanwe kakwe, kuti atondezye—Mul.]

¹³⁵ Baa, inga waamba, “Obo mbufuba.” Nkamboonzi? Kubotelwa kwakwe nkwa nikitini. Aboobo, tali muntu musongo pe. Mwabona? Pele yebo waamba, “Ee, Ta ndiciti, Ta ndiko botelwa cintu. Ndi yanda kubotelwa . . . Ndi yanda kubotelwa tombwe. Ta ndi botelwi cintu.”

¹³⁶ Komupa peegi lya cisani a kumulekela kulinyonka. Mwabona? Masimpe, alinyonke. Wa amba, “Taakwe nce ndilabila.” Ino uli nyonkelanzi, mpwao? Yebo ujisi kuyandisya ku labila nikitini.

Elyo cindi wanonyonka kansiyansiya ka cikombelo, alimwi nekubaboobo nywebo no banakazi mu cijisi masusu aageledwe, masyu apendedwe, alimwi basama cabwaamu; nkabela nywebo no baalumi mula balanga, a zintu ezi zyoonse, akuzumanana munzila njo mucita. Ino ncinzi? Neizi cili mukati muya? I nyika iicili mukati muya, nkabela ujisi kubotelwa. Ula inyonka kuti uujane kubotelwa.

¹³⁷ “Nda unka ku cikombelo *eci*; taba soli kudomba cintu eco. Taba soli kwaamba cintu ca *eci*, taakwe cintu kujatikizya *eco*. Kwiina zintu ezi ziletwa kubandika. Mukambausi wesu ujisi

mizeezo iimvwisya maningi aali eco. Ta twaambi zintu mbuli ezyo pe.” Ino ncinzi? Ujisi kulabila kwa nyika nkoli muku nyonkela. Ncibotu!

¹³⁸ Pele mwanakazi musongo takabwezi musyobo oyo wa cintu. Ulizi kuti weelede kuba uusalala. Alimwi cintu buyo eco nco konzya ku kwela kwiinda mu Ijwi lya Leza ngu Muuya, Nguzu zipa buumi kubamba Ijwi Lwalyo, eelyo ili muli nduwe, kupona kuyubununa Jesu Kristo mu bukkalo mbo pona. Aléluya! Mukwesu, ikuti na obo tabuli Bwini, Ta ndizi Bwini mbobubede. Nda kasondoka ikuti na obo tabuli Bwini.

¹³⁹ Ndi Ijwi Lini mu moyo wako, lyaka kanzwa awo, eelyo lilakwela. Alimwi li laswida nyika eyo; ta liiyandi pe. Pele cindi caboola awa mu Ijwi, cila talika ku kwela. Elyo cindi cakwela kwiinda mu Ijwi, inga caba buyo Muuya Uusalala kupa buumi ku Ijwi eelyo.

¹⁴⁰ Mpawo Kasebyo, muntu musongo mukombi ndi Ijwi, alimwi kala kcutya kuyandisya oko kusalala kuli mu moyo wakwe; kasebyo ka muntu musongo, kuyandisya kwa muntu uusalala. Oh, ma, ino mukati motubede!

¹⁴¹ Mu busena bwa kubelesya Kasebyo ka Leza ka buntu bwakwe, ulekela Saatani ku mucenga kwiinda ku kabungwe na kansiyansiya kamwi, mbubonya buyo makkampani aa tombwe ala mucenga no bantu nomu mufweba misanga ya tombwe. Mujana buyo mamembala manji, elyo kwamana.

Oh, andi jale mu maminiti masyoonto, kwaamba eci.

¹⁴² Laodikeya moofu! Mbobuti mbo tukonzya kuba boofu! Laodikeya moofu, kosololela boofu ba bukkalo obu, kungsi lya kuliceengezya kwa bubeji, kungsi kwa tunsiyansiya twa bubeji, kungsi lya ziyanza zyabukombi ezyo zyabubeji, kungsi lya kabungwe ka bubeji, kungsi lya mabbuku aatunsiyansiya ayo aa bubeji. Oh, Laodikeya moofu, uisololela boofu, nywebo nyoonse muya mu cilindi!

¹⁴³ Kocinca kasebyo kako sunu masiku, o mukambausi. Uta kweli nikotini oyo wa kabungwe kunjila mu cilengwa cako, ca ziyanza zya buzumini a tunsiyansiya, oto Jesu ntwakaamba, “Kufumbwa muntu uuyungizya ijwi lyomwe kuli Ndilyo, na kugwisya Ijwi lyomwe kuzwa kuli Ndilyo.” Cindi waambila mbunga yako kuti cili kabotu kuli mbabo banakazi kucita *eco*, a baalumi abo kucita *eco*, a zintu ezi zyoonse, *eco* a *cimbi*; kufumbwa kuti kabala bwini kuli *eci* a kucita *eco*, a kubamba tunsiyansiya oto a zintu, sena tofwinsoni omwini?

“Ba Farisi boofu,” Jesu wakaamba.

¹⁴⁴ Elyo mbuli Jesu mbwakalila, “Ba Farisi moofu,” Muuya Uusalala mu moyo wangu wini ulalila sunu masiku, “Laodikeya moofu! Nkanji kanji buti Leza kakupa lubukulusyo! Pele ciindi cako casika; ciindi camana eno.

Mbobuti mbo kaseka a kufubaazya bantu abo Leza mba kakutumina! Pele eno ciindi cako casika. Oh, United States, United States, obo Leza mbwakali kunga wakuvumbilila mbuli i—i nkuku ntumbu mboicitila twana twayo, pele kwiina nokazumina.” Lino eeli Ijwi lileenda kuzwa ku nkomwe kusika ku nkomwe, kuzwa ku nyika kusika ku musanza, alimwi kujwe kusika kumbo. Obo Leza mbwakali ku kubungilila, pele toka zumina! Lino ciindi cako casika.

¹⁴⁵ Zisi zili mukumwaika. I nyika iili mukwaandana. Mamaile aali myaanda iili kumi ayosanwe ya komonwa kuzwa kuli njiyo, mamaile aali myaanda yotatwe na yone mu bukwasule, kuyo bbila, mwaanda . . . na ndiza mamaile aali makumi one kuyaansi mu lwaanzi olo lupati kubusena kulaale, bumwi bwa mazuba aya, a mayuwe ayoopilauka kulaale kuya kubusena bwa cisi ca Kentucky. Elyo cindi cacita, ciyo zunganya nyika canguzu loko cakuti zintu zyoonse aatala aali njiyo ziyo zungana akuwa.

¹⁴⁶ Oh, kondisisa mu Mwaala wa makkalo! Leza, ndi lekele, ndi lekele. Kondi fulidila, Mwami. Muuya wa Leza muumi, kondi fulidila. Ndi lekele kubweza Kasebyo ka Leza akupona kungsi lya Kaako, Mwami. Andi yoye muwo mupya mubotu wa Muuya Uusalala mu mapunga aangu, mu buntu bwangu buzuba abuzuba, kuti Ndi ta Ku bisizyi, O Mwami. Kondi fulidila, Muuya Uusalala, kondi fulidila! Nda . . .

¹⁴⁷ Andi syange Ijwi lya Leza mu moyo wangu, a kukanza kuya kuti Nse kanyoneni ku lulyo na ku lumwensi, kuzwa kuli Ndilyo, pele Njo pona cabwini kuli Ndilyo mazuba oonse a buumi bwangu. O Taata Leza, mpawo kondi selusizya Muuya Uusalala aali ndime wa Buumi, kupa Majwi aayo buumi kuli ndime, kuti Ndi konzye kuyubununa Jesu Kristo kumbele lya baabo bali kunembo lyangu, ku kucilangila kucitika. Oyo ngo mupailo wangu.

¹⁴⁸ Oh, ma! Amubone nzila mbo bacita sunu mu mabungano ayo. Kwiinzya bantu mu tusebyo oto twa kabungwe, mu nkamu ya zikombelo zyoonse zyabunakristo. Nkamboonzi? Nkamboonzi? Nkambo cibapa kuyanda kwa moyo wabo, kabunga. Ba jisi kubotelwa kwa kabunga. Bayo cicita.

¹⁴⁹ Ziindi zyoonse Leza nakatuma lubukulusyoye, alimwi, balo, ba kali cita nzi? Ku cibamba kabunga. Sa mbumbubo na? Aboobo bajisi musyobo wabo wa kasebyo, nkaambo ba jisi kubotelwa kupati. Elyo eno Leza uyo bapa kuyanda kwa kubotelwa kwabo. Uyo bapa . . . Ba banjizya moonya mu nkamu ya zikombelo zyoonse zyabunakristo, elyo mpawo bali jisi kubotelwa kwabo kwa kabungwe mpawo. Cila baboolela.

¹⁵⁰ Oh, mbungano ya Laodikeya, uta cengwi mu bukkalo obu, kwiinda ku lweeno lwabo. Oh, Pentekoste, yebo no unka mu Laodikeya, yebo noba cibeela ca Laodikeya, mbungano ifwidae; kwiinda mu Methodisti, Baptisti, a Presbyteria,

ciimo buyo cakalengwa. Pele nywebo noba Pentekoste nomu cikonzya mu ziindi zinji kwaamba “ameni”; nomu konzya kulizya nyimbo zinji aatala lya cibumbili, a kuba a banakazi bageledwe masusu kabazyana aa busena boonse, a bacisyoma mu kuponesegwa kwa Buleza; obo nkanji kanji Leza kayanda ku kutola, pele yebo wakabweza kasebyo kambi; kasebyo ka kabungwe. Obo nkanji kanji Leza kayanda ku kutola!

¹⁵¹ Obo kweena mbo cakabede! Matayo 24:24, Jesu wa kaamba kuti i. . . “Ci yoena mbabonya Basale ikuti nicali kukonzeka.” Obo muni maningi mbobede, mbuli buyo Eva, kusiya buyo cintu ciniini comwe na zyobile eco nco takonzyi kutambula, nkaambo uli kabungwe alimwi tokonzyi ku Ci tambula. Kwamana nco citola. Inga akwalo cabweza cintu coonse, “Nkambo kulubya muli omwe, nkulubya muli yoonse.” Oh!

¹⁵² Pentekoste, Pentekoste, koinzya kuyeeya kwako mu Kasebyo ka Leza, kutali ziloto zyako zyakabungwe, elyo uuyozwa a kubotelwa kwa muntu musongo, lubapatizyo lwini lwa Muuya Uusalala.

¹⁵³ Sena inga wayeela mwaalumi kalekela mukaintu wakwe kugela masusu, kusama tubbudula, na kusama tulukwe, a kwaamba kuti wiinda mu Kasebyo ka muntu musongo? Sena inga mwayeeyela muntu kucita cintu mbuli eco?

¹⁵⁴ Sa inga wayeeya mukambausi kaimvwi mu cikambaukilo, nkaambo uvozegwa kabotu ku mbunga eyo iimuumauma kundelo yakwe, kaimwiita kuti, “Mwiiyi, Mukwesu, Mufundisi,” a kumutola ku misyobo yoonse ya nkanu zyamisobano oko nkoba sangana mu kusamba, a zintu zyoonse zimbi, aa nkomwe zya milonga; sa inga wayeeya mwaalumi kali taminina kuti uboola kwiinda mu Kasebyo ka muntu musongo?

¹⁵⁵ Elyo bamwi banakazi abo aa cibumbili, kabasamide madresi abo aayiila aatala aamazwi aabo, aakasumwa cakujata loko a ku tondezya ziimo zyoonse, kweenda koonse nkobacita, a tubbudula twabo twakunsi katulibonya kwiinda mu madresi abo; kubyaabi biyo mbuli kusama tubbudula, tubbudula twa kusambya, na kufumbwa cintu cimbi. Nywebo no bakambausi, ba Laodikeya boofu, bana Pentekoste, cila lampa buti ciindi Leza ncayo mulekela, Ta ndizi pe. Abe. . .Leza abe aluse ku meso aanu—kuli aanu aofweede. Uli jisi mafuta sunu masiku, kuti ajule meso aanu, kuteeti mukonzye kubona.

¹⁵⁶ Mbuli mbo Nda amba kuseeni sunu, tuli mu bukkalo bwa kubona, aatala. Takucikwe kuyeeya kumbi kwinda oko, cakuti inga weenda ca kuboneka kwaanze, ku ziba. Yebo, kuzwa ku mpemo yako, inga wanunkizya; kuzwa ku milomo yako, inga wa kanana; kuzwa ku maanza ako, inga waampa a kutandabika; a tende lyako, a zimwi zimbi; pele tokonzyi kuunka kulaale kwiinda meso aako.

157 Malaki 4 wa boola; ku kubona! “Elyo kuyooba Mumuni kutandila ciindi caku mangolezya.” Oh, amweende mu Mumuni!

Tuyo enda mu Mumuni, Mumuni mubotu,
 Oyo uuboola oko kuli madosi aa mume wa
 luse nkwa balama;
 Kutumunikila koonse isikati a masiku,
 Jesu, i Ijwi, Mumuni wa nyika.

158 Iiyi, munene. Kwiinda muli Nguwo, oh, mukwesu, alimwi uyozwa a kubotelwa kwa muntu uusalala, a Muuya Uusalala.

159 Oh, mwanakazi, koinzya buyo kuyeeya kwako kwasunu kwa kusama. Koinzya kuyeeya kwako kwasunu, kutana kuunka aa kagwagwa kumbele lya baalumi; nywebo no banakazi bakubusyi, nywebo no banakazi bapati, kamutana kuunka aa kagwagwa a zisani zyanu zijata maningi, kudandamunwa kusule akumbele. Nse li sikujana butongo pe. Ndi munyoko. Nda ima aakati ka baumi a bafwide, a kumwisya eco nce Ndili mukwaamba. Kamutana njila mu busena, nkabela mulizi kuti mibili yanu nciimo cisetekene, na cibeela cisetekene eco Leza nca kamupa; kamutana kunjila kagwagwa, kamusamide mbuli obo, aamwiinzye mizeezo yanu mu Kasebyo ka mwanakazi musongo. Alimwi aciibalukwe, kuti, “Kufumbwa muntu uumulanga cakusukama, mwacita kale mamambe anguwe.” Koyeeya eco, mucizi.

160 Elyo, mukwesu, kotana nyona mutwe wako ku mulanga, ooko kudongomwena kwabili, koinzya mizeezo yako mu Kasebyo ka muntu musongo. Uyo zwa kojisi kubotelwa kwa muntu uusalala, mwabona, kwa kucita cintu ciluleme.

161 Amubone, ikuti na wainzya mizeezo yako mu Kasebyo ka mwanakazi musongo, uyo zwa kojisi dresi lya mwanakazi uusalala. Mbo mbubo. Uyo zwa, mukwesu, akuboneka kwa mwaalumi musongo. Lino, eco ncintu buyo comwe.

Zintu zyoonse nzo cita, koziinzya ku Kasebyo ka Ijwi lya Leza, kubona kuti cililuleme na cililubide.

162 Uyo zwa kojisi dresi lya mwanakazi uusalala, a masusu malamfu, kosamide kabotu; muuya, mubombe wabutontozi; kutali kunyongana buyo a kulwana kwa kukwankana, a kulwana akukwankana. “I muuya, mubombe wabutontozi, uuli ndukono lupati kuzwa kuli Leza.” I Bbaibbele lya kaambo boobo.

Lino Ndi yanda kumubuzya cintu cimwi, ku masena aa mu zilawo. Tula jala mu maminiti masyoonto.

163 Lino toonse, atu lingule kuyanda kwesu, sunu masiku, elyo mpawo mubone oyo musyobo wa kasebyo nke mukwelela mo. Atu lingule, toonse swebo, kuno aku masena oonse aa cisi. Amu lingule kuyanda kwanu, eco nco muyanda kasimpe mu buumi. Amu lingule eco nca mulwanina. Amu lingule eco neomuli ano. Amu lingule eco nco muunkila ku cikombelo.

Ncinzi cimubamba...Ncibotu kuunka ku cikombelo, pele mutaunki buyo ku cikombelo; eco tacika mufutuli. Mwabona? Amu lingule buyo kwa maminiti masyoonto, kwaamba, “Sena makanze aangu...Ino—ino musyobo nzi wa kasebyo ngo Ndi kwelela mo, nekuba?”

Elyo ikuti na tokeendelani a Ijwi lya Leza, alimwi buntu bwako tabuciciti, nkokuti kuli cintu cimwi cilubide; nkambo citondezya kubotelwa kwako ikuti buumi...i musyobo wa buumi buli muli nduwe. Ikuti na bulasalala, bululeme butalebyi, bwabulemu, buyoozwa mu nzila eyo. Ikuti na tabuli obo, ujisi kubotelwa kumbi kuli nduwe oko nkokwelela. Obo mbombubo ncobeni.

Elyo ikuti kubotelwa nkwa Ijwi lya Leza a luyando lwa Leza, mpawo ulizi eco cili muli nduwe, eco cikwela kubotelwa. Citondezya kuti uli cibeela ca Ijwi eelyo. Eelyo Ijwi lili muli nduwe, kukwela kuzwa Ijwi.

¹⁶⁴ Ino Ci kwela nzi? Ci kwela kwiinda mu Ijwi, nkaambo uli cibeela ca Mubili wa Kristo wa bukkalo obu. Alimwi ikuti Ijwi eelyo lili muli nduwe, Li konzya kuyo kukwela kwiinda mu Ijwi, Muuya oyo uuponosya Ijwi eelyo lili muli nduwe. Ijwi luzutu alilikke talikabi a buumi. Ako nke kaambo, “Boonse abo Taata mba Ndi pa bayo boola kuli Ndime; alimwi ikuti na Nda sumpulwa, Njo likwelela bantu boonse kuli Ndime.” Mwabona? Mwabona, “Taata,” cibeela ca Mubili wa Kristo oyo uuli mu nyika, wakakanzwa, kabikkwa mu moyo.

¹⁶⁵ Kufumbwa muntu uuli Munakristo ncobeni, waka zyalululwa sunu, ulizi, kuzwa nakali mwana muniini, na musimbi muniini, koonse, kuti kwaali cintu cimwi muli nduwe eco cakali kufwa nzala ya Leza. Nkabela wa kasola kunjila zikombelo a zintu zyoonse zimbi; tii cakabeleka. Ino cakali cinzi? Lyakali Ijwi eelyo. Wa kali kuvwima Kasebyo. Elyo buzuba bumwi Lya kamweka kumbele lyako; yebo wakabona Jesu Kristo mbuoca nguwenya, sunu, amuya myaaka. Oko kwa kakkutya kuyandisya. Mwabona?

Nkaambo, buumi bwakali muli nduwe, kabukwela. Mwabona, buumi muli nduwe kabukwela. Ca—ca amba oko kuyanda nkojisi awa. Ula dons. To konzyi ku dons kwiinda muli *eci*, a *eco*, a *cimbi*. Yebo weelede kujana Kasebyo ako kaluleme, nkambo uli muntu musongo. Mwabona?

¹⁶⁶ Ikuti na uli muntu musongo, uli kanzidwe, na wakasebwa kuta-...kuzwa ku malengelo aa nyika.

¹⁶⁷ Elyo ikuti mukutausi wakabungwe wamvwa eci, Nda syoma kuti ula bweza Kasebyo ka muntu musongo, ikuti na mukutausi wakabungwe. Mpawo uyo sowela aansipakete eco ca kabungwe eco ceelede kunyonyooka ncobeni, nkaambo ndi ijwi lya muntu; nkabela kutambula Ijwi lya Leza lyakasefwa eelyo lita konzyi kukakilwa na kuloba, alimwi Li

yoelala kubotelwa kwa muntu uusalala. Alimwi, mbuli Jakobo, uyo tuula nyika yoonse a nyota ya tubungwe toonse na mpuwo, eyo iliko mu nyika, oko nkokonzya kuba bishopo, kkardino, na inga waba mwaalu wa cisi, na mweembeli wa mbungano imwi mpati. Uyo tuula zintu zyoonse ezyo ziliko. Kutali mbuli Esau, kuba cibeela ca nyika; pele mbuli Jakobo, uyoopa zintu zyoonse kuti ujane bupati, Kasebyo ka muntu musongo; nkaambo Ka yookupa kubotelwa kwa muntu uusalala. Elyo kuyo kkutya. Alimwi Kuyo kkutila, alimwi kuyo salazya a kuyandisya Kutamani kwa bubotu busalala bwa Leza.

¹⁶⁸ Amuyeeye, Saatani wakadonkola kapulo kataanzi kwiinda mu mizeezo ya Eva, na mu kuyeeya kwakwe, kulekela kuyandisya kwa busongo bwakwe a luzibo kunjila mukati.

¹⁶⁹ Lino amu ciyeeye eci. Ndiya bujala. Saatani wakadonkola kapulo kataanzi, nkaambo koonse nkwakali kukonzya kukwela lyakali Ijwi. Oyo wakali Muuya kwiinda mu Ijwi lya Leza, nkaambo waa kaamba, “Kufumbwa kuti wayoya kwiinda mu Kasebyo aka, tokafwi pe; pele ikuti ukayoye eci kuzwa *awa*, uyoofwa.” Mwabona?

¹⁷⁰ Elyo Saatani wa kaamba, “Pele yebo tozi cintu *awa*. Pele ikuti wabweza kulabila kuniini kuli *eci* awa, elyo mpaawo uyoziba; uyooba mbuli Leza. Mwabona, Ulizi cibotu a cibi; yebo tozi. Nkabela ikuti wacita biyo kulabila kuniini kwa *eci*.” Alimwi waa kamulekela kudonkola kapulo muli ncico, kapulo komwe buyo kaniini.

¹⁷¹ Lino mwabona kaambo nce Nda amba...Yebo wati, “Nkaambonzi toiisi banakazi, azimwi zimbi, nzila yakutambula zipego a zintu mbuli eco?”

¹⁷² Nda kaamba, “Mbobuti mbo konzya kubayiisya impalo zya ziiminizyo kakuli taba kosola kwiiya ma ABC abo?”

Kapulo komwe buyo kwamana nce cakatola. Wa kabweza busongo bwa nyika, alimwi, cindi nakacita, cakabikka lufu ku mukwasyi oonse, kuyanda kulabila busongo.

¹⁷³ Lino amu lange aa kasebyo, alimwi nincobeni katondezya kubotelwa kwakwe. Kubotelwa kwakwe kwakali kwa nyika; eco nceeco ncaaka jana. Eco mbo cibede sunu. Ba yandisya nyika a zintu zya nyika, a ciwa ca bukombi, pele kukazya Nguzu zyambubo. Mwabona, Saatani uyo balekela kwaamba mu myaambo; uyo balekela koongolola; uyo balekela kuba a miswaangano ya kuponya kwa Buleza; uyo balekela kucita misyobo yoonse ya zintu.

¹⁷⁴ Uyo amba, “Banji bayo boola kuli Ndime mu buzuba obo, elyo, Mwami, sena tii Nda katanda badyabulosi, sa tii Nda kacita zintu zinji, kucita *eci*?” Uyo amba, “Tii ndakamuzi akwalo, nywebo no bamucita zibi.” Cindi Ijwi nilyaka bikkwa kumbele lyanu mpawo mwakacili kufweba kasebyo ako kakaindi ika nyika, mwabona, tondezya kuyandisya oko kwakali mu moyo.

¹⁷⁵ Inziba taikonzyi kulya mutunta wakabola. Ta zikonzyi kuulya. Tazikwe mu lulwe nouceya. I cikwangala inga walya nseke mbuli inziba alimwi ulakonzya kulya mutunta wakabola mbuli cikwangala, mwabona, nkaambo ngu sikuupaupa. Pele inziba taiyakidwe mbuli bayuni bali boonse, aimwi eyo nje nzila Leza mbwa kalitondezya Mwini mbuli Inziba kaiseluka kuzwa ku Julu. Mwabona? Ta ikonzyi—ta ikonzyi kuzunda kununka kwa mutunta ubolede. Taili luunga; kaambo, ncoita jisi mululwe nouceya. Ta ikonzyi kucitafunya. Inga waijaya, ikuti na yaulya.

Elyo inziba taakwe noya keelede kusamba. I mubili wa inziba ulazwa mafuta kuzwida mukati, ayo aibamba kusalala. Ngu buumi obo buli mu inziba; ila zwa muli njiyo mafuta ayo aabamba mababa kuti kaasalala. Elyo aboobo Munakristo mbwa bedede; kuli Buumi muli nguwe obo bumubamba kuti kasalala. Bwa kasebwa.

¹⁷⁶ Oh, amubone! Lino amulange aali...ku kasebyo, alimwi cancobeni inga mwabona kuyandisya kwa nkuko, kwa ceeco ncoba cita sunu.

¹⁷⁷ Amulange ku mbungano ya sunu. Amulange ku kasebyo kabo. Inga mwabona eco ncoba botelwa. Mwabona eco nco bajisi. I luyando, ino ba botelwa nzi? Muuka Laodikeya oyo uuya ku Lubeta lwa Leza. Mbo mbubo. I luyando, luyando lwa mbungano sunu ndwa Laodikeya, kabunga kapati, buyake bupati, cintu, cipati campuwo, bantu basama kabotu, bayiide kabotu akubotelwa, bazwide busongo, bazwide dyabulosi, kubweendelezi bwa lweeno lwa mbungano ya Kristo. Kuli bbala lyomwe luzutu lyeelede kuba mukati muya, “sinkondonyinaKristo.” Nkambo, zintu zyoonse Kristo nzya kaiisya, bala lwana zintu zyoonse kumaninina; bwini, kunji buyo kutegwa baliite lwabo obo.

¹⁷⁸ Lino ikuti na muli bantu basongo sunu masiku, a ku masena mu nyika oko Mulumbe nkuuya, ku yanda kwanu kuyooaba kubotelwa kwa Bbaibbele, kutali kubotelwa kwa kabungwe, nkambo muyo betekwa kwiinda nkoonya ku Bbaibbele, Ijwi ndilyonya eelyo nde Ndi mulomba kusebya buntu bwanu. Nkabela ku kaka Ijwi lyomwe lya Ndilyo, akulekela buntu bwanu kwiinda mu Ijwi lyomwe eelyo, muyo kakwa. “Nkambo muntu takaponi, kuyoya, ku cinkwa cilikke, pele ku Ijwi lyoonse lizwa ku mulomo wa Leza.”

¹⁷⁹ Li yoletwa muli ndinywe, lyakakanzwa. Alimwi cindi Mwami aamufulidila, Muuya Wakwe uyo pononosya Ijwi eelyo kuba kasimpe, nkabela muyo bona kuti Jesu Kristo ngu mbobuca nguwenya, sunu, amuya myaaka. Oh, ma!

¹⁸⁰ Amusiye kabungwe ka nyika, cipakete cabukombi. Atu cileke kacikkede mbuli cipakete ca tombwe mu zisaka. Amucileke cibije akubola. Ngu—ngu kasebyo kalubide.

Nkabela amu bweze Ijwi, lili ngu Kristo, oyo uupa, a kuzwidilizya, akuyobola bubotu bwa Buumi Butamani, ku muntu oonse uyo Li bweza, Buumi Butamani.

¹⁸¹ I Ijwi, ikuti na wakakanzwa, ula Li bona. Taakwe nzila yaku Li sisa kuli nduwe. Ula langa kuya a kwaamba, “Baa, Lili antangalala kumbele lya busyu bwangu! Inga nda Li langa; ndeelyo Mbo libede. Ndi langide aali Ndilyo ncobeni. Nda Li bona. Ndeeli Mbo libede, i Ijwi; Ijwi lyoonse, Ijwi ku Ijwi buyo, kalipona lyonse.” Mpawo mboobo bubotu bwa Buumi Butamani obo mbo muyanda.

Elyo wayoya kwiinda muli Eco, ncinzi cikonzya kwiinda muli Eco, Kasebyo ka Leza? Taakwe cintu cita Muuya; taakwe nyika, noiceya; taakwe kutasyoma, nokuceya. Ngu Kasebyo ka Leza. Elyo cindi wayoya kwiinda muli Eco, taakwe cintu cikonzya kwiinda muli Eco cita Muuya Uusalala.

¹⁸² Lino muli jisi citondezyo ca Muuya Uusalala, mwabona, kuyandisya kwa mwanakazi na mwaalumi musongo. Ba yanda kupona. Ba jisi Buumi Butamani. Alimwi nkaambo Ijwi eeli ndyuumi kuli mbabo, bala pona; Kasebyo ka muntu musongo, a kuyandisya kwa muntu uusalala.

¹⁸³ Muta bwezi nyika, mbuli alo makkampani aa misanga ya tombwe, kungsi aa lweeno, pele amubweze Kasebyo keni ka muntu musongo. Amusebe kuyoya oko nko muyoya, cakulya eco nco mulya, zintu zyoonse ezyo mbomubede; amu ciyoye kwiinda mu Ijwi lya Leza, nkabela muyooba a bubotu bwa muntu uusalala. Nkambo, Ka yoleta eco, nkambo Ngu mbobuca nguwenya, sunu, amuya myaaka.

¹⁸⁴ Elyo Ndi lizi, naa mpo tuli na ta tuko...Nda syoma kuti mpo tuli. Pele, ikuti na tatuko, kuli muntu umwi mu nyika sunu oyo uuli ncibeela ca Mubili wa Kristo; alimwi Ci yoponena buyo ku Ijwi lya Leza, Ijwi lyoonse lizwa ku mulomo wa Leza ilya bukkalo obu mbu tupona mo eno.

¹⁸⁵ Elyo ta Ndi konzyi kubona awo kabungwe...Majwi ayo cantangalala loko mu Bbaibbele, kaamba kuti ciyo citika, a zintu ezyo ziyoooba, alimwi mpaawa tu pona moonya muli nceico eno. Ta ndikonzyi kubona awo mpo cikonzya kuba cintu cili coonse cimbi pele eci.

¹⁸⁶ Mbungano, Nda mvwisya kuti Nde elede kwiima anywebo mu Lubeta buzuba bumwi. Nkule maningi kuli ndime kumwaambila cilubide cili coonse, nkambo ka mpuwo. Ta ndi yandi eco. Ikuti ni Nda lijisi kuyandisya, ne Ndi citide, kuyandisya kwangu buyo kwa buntunsi, ne Ndi bwezede raifo yangu a kuunka mu zisaka a kuli yakila kaanda kaniini, a kuteya, boonse buumi bwangu. Ndiya bukomena, akukatala, akudekela, a kunyongana, pele ta Ndi konzyi kuleka. Kuli cintu cimwi muli ndime, cigaya. Maawe kuli ndime na tii Nda amba Bwini a Bwini boonse. Maawe kuli ndime na tii

Nda ima ano mane kuyoya kwa mubili wangu kwa mamanino kwandisiya. Nde elede kwiima, kakutakwe kubikkila maanu eco kufumbwa muntu uumbi ncaamba. Ndi jisi mulimo ku busyu bwa Leza.

¹⁸⁷ Elyo Nda syoma ncobeni kuti zintu ezyo nzetu kambauka ngu Bwini. Kutali nkaambo ndime uubukambauka. Peepe, mukwesu wangu. Peepe, munene. Leza ulizi moyo wangu. Obo mbo ndinga Nda yanda kukkala mu mbungano akuswiilila ku munanike kakambauka. Obo mbo cinga caba citete kuli ndime, cancobeni nkaambo Ndi nojisi Buumi Butamani mbubonya mbuli muntu uuli mu cikambaukilo. Ndi cibeela ca Mbubo mbubonya mbwabede. Inga ndaunka ku Julu komwe, akuba a zyoowe zikozyenye. Obo mbo cinga caba citete kuli ndime kukkala awo a akutabweza zilonda ezi zyoonse, a kuumwa, a kuzumanana. Obo mbo cinga caba citete, kutabako busiku boonse kakutakwe ng'onzi, oora a cisela, na maora obile; kulwana busiku boonse a zintu ezyo ziboola. Obo mbo cili citete kuli ndime kucita eco, kubweza ntobolo yangu cifumo cicilila, kalobyu kangu, a kuunka kuyo zela na kuvwima! Obo mbocinga caba citete! Mukwesu, cawida ku bulizi bwangu. Akube kuti Leza andigwasye kutaleka bulizi bwa mulimo wangu, pele kwiima cakusyomeka a cabwini, a kumuletela Kasebyo ka muntu musongo ako kayo mupa bubotu bwa muntu uusalala.

¹⁸⁸ I Kasebyo ka muntu musongo ngu maanzi, maanzi aakusalazya. Nku salazigwa kuzwa ku cibi, lili ndi Ijwi lya Leza. Alimwi muntu musongo, muntu uuzi kuti uleelede kuyoima kumbele lya Leza, ulizi kuti uleelede kuyopa bwiinguzi bwa Ijwi lyoonse lya Bbaibbele, Li yokkutya kuyandisya ooko mu moyo wako. Akube kuti Leza andigwasye ku Li tambula, mbuli mbo tukotamika mitwe yesu.

¹⁸⁹ Oyandwa Leza, oora limbi na obile ainda. I nkoloko yazunguluka eno. I Mulumbe eno wanjila mu makani aakale, alimwi Wa lungululwa mu Bbuku. Toonse tweelede kwiingula eno kuli eci, kweenda koonse oko nko twakacita, majwi oonse nge twa kaamba, mizeezo yesu yoonse yakainda mu kuyeeya kwesu, nkabela rekordi icilizigwa. Alimwi iyo zumanana kulila kusikila buumi bukamane, alimwi mpawo tuyo ingula ku Buzuba bwa Lubeta.

¹⁹⁰ O Leza, Cilenga mupati wa majulu a nyika, Oyo ngo tusyoma, Nda lombela bantu aaba buzuba buno. Nda likombela atoomwe ambabo, kuti Mwami Jesu, kuti Uyo jatilila Kasebyo Kako. Alimwi ikuti na Nda amba kufumbwa cintu mukusanka cintu cisetekene, Mwami, Nda . . . mu moyo wangu nce Ndi tazi. Nda lomba kuti na cili lubide kuli ndime kubweza Ijwi Lyako a kubelesya cintu cili boobo mbuli eco, Ko ndijatila kuli nco.

¹⁹¹ Pele, Mwami, Nda kayeeya kuti cindi no Ka ambaula kuli ndime ku zisaka, Uli zyi cindi kuseeni, tii Nda kakonzya

buyo kucigwisya ku mizeezo yangu. Nda kacitambula mbuli kuboola kuzwa kuli Nduwe. Aboobo, Taata Leza, Nda caamba kale. Elyo Nda lomba, Leza, kuti Uyo cilekela mu nzila eyo Nje ndaka ciyeeya kuba, kuti muntu musongo, muntu na kajisi kufumbwa kuyeeya nokuceya, uyo ziba kuti weelede kuyoima mu Busyu bwa Leza, alimwi takatoli mu buntu bwakwe kufumbwa cintu eco cisofwaazya na ciimpene ku Ijwi Iya Leza.

¹⁹² Elyo, Taata, twa mvwisya kuti, mbuli mbo Nda ciyezyanisa a tubunga otu twasunu; kutaba wiindene, Mwami. Uyo ndibeteka, buzuba bumwi, kuzwa ku moyo wangu. Elyo Nda lomba, Leza, kuti Uyo bona eco kuteeti tii cali cakuba wiindene, pele cakali cakuba uusyomeka, kusola kuba usinizizye, mu kuziba kuti Ndi jisi bakaulwa ku Bulowa Bwako, kuzwa ku nkomwe kusika ku nkomwe, ndyoonya eno, mu janza lyangu. Nkabela bunji bwabo basyoma Bulunguluzi.

¹⁹³ Elyo, Leza waku Julu, kutabi umwi wabo kuti asweeke. Nda bataminina, umwi aumwi, a kuba jatilila kumbele Iya Kasebyo kuzwa ku cibi, Maanzi aakusalazya, Bulowa bwa Jesu Kristo, Ijwi Iyaba mu mubili wabuntu. Ko cipa, Mwami. Elyo akube kuti Muuya Uusalala utile kwiinda mu zisyomesyo zyoonse, mu buntu bwesu. Alimwi atube baiminzi baumi ba Nabwiinga wa Jesu Kristo, mu ciindi ca meso, aa kubona mu Mumuni waku mangolezya, nkambo twautuula kuli Nduwe mu Zina Iya Jesu Kristo. Amenii.

¹⁹⁴ Sena mula Mu yanda? [Mbunga yaamba, “Amenii.”—Mul.] Sena mula Ci syoma? [“Amenii.”] Mebo, ikuti na Nda amba kufumbwa cintu cilubide, ku kwaamba, “kasebyo ka muntu musongo,” Ta ndikonzyi kwaamba limbi. Ta ndi jisi lwiiyo. Nde elede kwaamba buyo eco ciboola kuli ndime. Elyo cindi ni Nda kacibona kacikkede awo, Nda kayeeya, “Ino nkukozyanya kwa kuupaapa!”

Elyo Cintu cimwi ca kaamba, “Mbuli buyo mbungano.”

¹⁹⁵ I kasebyo ka muntu musongo! Oh, ma! Kuli kunji kwiinda obo kuli ncico. I muntu musongo inga tacibelesya nokuceya. Mwabona? Kutali eco ncobeni. Alimwi ciyanda kubotelwa kwa muntu uufweba, ncibotu, nkaambo uleelede kuba ancico kuti akkutye kuyandisya kwakwe. Pele muntu, musongo ncobeni oyo uulizi kuti buntu bwakwe buya ku Lubeta, buyo seba kuyandisya kwakwe kwiinda mu Ijwi Iya Leza. “Nkambo boonse Taata mba Ndi pa bayo boola kuli Ndime.” Elyo uyoponena Ijwi lyoonse elyo lizwa ku mulomo wa Leza, aali Maanzi aakusalazya ayo aatwandaanya kuzwa ku cibi. Nkambo, caboola kwiinda mu Ijwi, tula bona ncibi kuta Ci syoma, aboobo tu Ci syoma buyo a kuyabuya. Ngu kwandaana kuzwa ku cibi. Sena mula Mu yanda? [Mbunga yaamba, “Amenii.”—Mul.]

Nda Mu yanda, Nda yanda . . .

Atu nyamune buyo maanza esu eno kuli Nguwe.

Nkaambo Wa kasaanguna kundiyanda
A kuula lufutuko lwangu
Aa cisamu ca Kalivari.

¹⁹⁶ Ino Wa kaamba nzi? “Eci bantu boonse bayo ziba kuti muli basikwiya Bangu, cindi mwano yandana, a kuba aluyando umwi kuli aumwi.” Lino atu sukane maanza a bantu bamwi kuciindi no tu yiimba alimwi, a kwaamba, “Nda kuyanda, ayebo, mukwesu.”

Nda Mu yanda, Nda... (Eci nca kumuzibya
kuti...)
... Wa kasaanguna kundiyanda
A kuula lufutuko lwangu
Aa cisamu ca Kalivari.

¹⁹⁷ Lino, sa mula yanda Kasebyo ka muntu musongo? [Mbunga yaamba, “Ameni.”—Mul.] Cindi waunka aa kagwagwa ku kumbana maboko a nyika juunza, mukwesu, mucizi, sena ujisi Kasebyo ka muntu musongo? Cindi muntu oyo aakwiita kuti mubumbulusi uusalala, sena ulijisi Kasebyo ka muntu musongo? Cindi muntu oyo umwi aamba cintu cimwi cibbi kuli nduwe, sena ulijisi Kasebyo ka muntu musongo? Mwabona, kocita bubotu ku bubu. Ko kombela oyo uukusampaula, a baabo bakupenzya, mpawo uyoya kwiinda mu Kasebyo ka muntu musongo.

¹⁹⁸ Nkambo ikuti koyanda abo buyo bakuyana, mbuli mbo tu suka maanza umwi aumwi, mbuli bayandwa maningi mu Mwami, eco ncibotu, pele ulakonzya akwalo kuyanda batakwe buyande? Ako ngu Kasebyo ka muntu musongo. Oyo ngo Muuya wa Kristo muli nduwe, kuyanda abo bata kuyandi, mpawo ulijisi bulumbu bwa Leza. Pele, eno, ikuti kocicita mbuli mulimo, tona jana muntu musongo... Uli buyo atala lya kabalo kabili. Pele cizwa ku moyo wako kuti ula muyanda ncobeni, mpawo uli mukuyoya kwiinda mu Kasebyo ka muntu musongo. Nkabela Ka lakkutya kuyandisya kwa muntu uusalala, kuti ulizi, kuzwa ku moyo wako ula jatila bantu boonse, zintu zyoonse, tacikwe makani eco cicitika. Sena Tali mubotu?

... kasaanguna kundiyanda
A kuula lufutuko lwangu
Aa cisamu ca Kalivari.

Tuyo enda mu Mumuni, Ngo Mumuni
mubotu,
Ulaboola oko madosi aa mume wa luse nkwa
balama;
Kutumunikila koonse isikati a masiku,
Jesu, Mumuni wa nyika.

Tuyo enda mu Mumuni oyu, Ngo Mumuni
mubotu boobu;
Elyo Ulaboola oko madosi aakasebwa a luse
nkwa balama;
Oh, kutumunikila isikati a masiku,
Jesu, Mumuni wa nyika.

Amu boole, nyoonse no basalali ba Mumuni,
amwaambilizye,
Jesu, Mumuni wa nyika;
Mpawo milangu yaku Julu iyoolila,
Jesu, Mumuni wa nyika.

Oh, tuyo enda mu Mumuni, Ngo Mumuni
mubotu boobu;
Ula boola oko madosi aa mume wa luse nkwa
balama;
Oh, kutumunikila isikati a masiku,
Jesu, Mumuni wa nyika.

Sena mula yanda eco? [Mbunga yaamba, “Ameni.”—Mul.]

Oh, tuyo enda mu Mumuni oyu, Ngo Mumuni
mubotu boobu;
Elyo Ula boola oko madosi aa mume wa luse
nkwa balama;
Kutumunikila isikati a masiku,
Ngu Jesu, Mumuni wa nyika.

Nda cibotelwa eco!

Lusyomo lwangu lu swaana Nduwe,
Yebo Kabelele wa Kalivari,
O Mufutuli Sibuleza;
Lino kondimvwa kuciindi ne Ndi komba,
Kogwisya zibi zyangu zyoonse... (Ko
ndiseba, Mwami, kwiinda mu Ijwi.)
O ndileke kuzwa buzuba buno
Kuba Wako kumaninina!

Ko ciyeeya buyo, kusebwa kwiinda mu Ijwi, “Wako
kumaninina.”

Kuciindi buumi bwatuzila twamudima
tutamvwiki Nda lyata,
A buusu bupati bwa ndibungilila,
Koba Nduwe Mweenzyi wangu;
Lailila mudima kuba isikati,
Kosinda misozi ya buusu,
Akuta ndilekela kusola kusweeka
Kuzwa kuli Nduwe kuya aambali.

[Mukwesu Branham watalika kung’ungu’na *Lusyomo
Lwangu Lu Swaana Nduwe*—Mul.]

. . .ku moyo wangu uuwizuka,
 Busungu bwangu bulananikwa;
 O lailila mudima kuba isikati,
 Alimwi kosinda misozi ya buusu,
 O ndileke kuzwa buzuba buno
 Kuba Wako kumaninina!

¹⁹⁹ Oyandwa Leza, tula botelwa kwiimbila Nduwe, nkambo nkookuya nko tutondezya kulimvwa kwesu, ku nyanyamukwa kwesu, mbunga yoonse, mbuli Mbo tuyoyela Ijwi lya Buumi. Tuli lumbide maningi, Mwami. Nkabela eyo nyimbo, kotu tambula, sa Ula cita, Mwami? Oko nko kuyandisya kwesu, nku sebwa kwiinda mu Ijwi lya Leza, kweenda mazuba oonse mu Mumuni, Mumuni wa Makani mabotu.

Eyo kozuzya nzila yesu aluyando buzuba abuzuba,
 Mbuli mbo tweenda a Inziba ya Kujulu;
 Atweende ciindi coonse, a lwiimbo a kumwetamweta,
 Kozuzya nzila yesu buzuba abuzuba a luyando.

²⁰⁰ Ko cipa, Mwami. Kotu leleka toonse antoomwe sunu. Lekela luzyalo Lwako a luse zibe andiswe. Koponya balwazi a bapengede mu cisi coonse.

²⁰¹ Twa Ku lumba nkambo ka Mukwesu Coggins sunu masiku, kuti Wa mulekela kuzwa mu cibbabela, kuunka ku ng'anda kali kabotu. Twa Ku lumba nkambo ka zintu ezi zyoonse Nzo cita, a ku nguzu zyesu zini cakuti tu limvwa kunyamunwa eno.

²⁰² Twa Ku lumba ku Mulumbe muniini uukosawidwe sunu masiku, Mwami. Tii—Tii ndacicita kabotu, pele Nda lomba, Mwami, kuti Uyo cibamba kabotu mu meso aa bantu, kuti bakonzye kubona a kuziba eci nco wabambilidwe. Ko jana bulemu kuzwa kuli nguwo, Mwami, alimwi akube kuti tube a kumvwisya oku, na cintu cimbi, kuti tweeleda kuponena ku Cinkwa ca Ijwi lya Leza, cakasebwa kuzwa ku Ijwi ca bana Bakwe buyo. Ni mbunga ya kaandanisigwa. Tacili ca muntu uumbi. Nca baabo buyo, basale Bako, mbuli maanzi aa impwizi iisalala aakusalazya mbwakali aa mbunga ya Israyeli buyo. Aboobo, Taata, tu lizi kuti Cinkwa nca Mbelele buyo.

“Ta ceelede kuti Ndi bweze cinkwa ca bana a kucisowela babwa,” mbwa kaamba Jesu.

Elyo mwanakazi, mu kujosya, kaamba, “Iiyi, Mwami, obo mbwini, pele Ndili libambilide kulya tufwelenga.”

Elyo aswebo tuli mvwa obo sunu masiku, Mwami. Tu yanda koonse oko Nko konzya kutupa, Taata, nkambo tuli mukufwa nzala a nyota mpati ya Nduwe.

²⁰³ Kopa kuti nzala zyesu zi zuzigwe a kuyanda kwesu kuzibwe, nkambo, Taata, tu yanda kuyandisya kwa muntu

uululeme. Alimwi Muntu oyo uululeme wakali Jesu Kristo, alimwi kuyandisya Kwakwe kwakali kwa kucita luyando lwa Taata, oyo iwakali Ijwi. Ko cipa kuli ndiswe, Taata. Twa ci lomba mu Zina Lyakwe. Ameni.

Atwiime eno kucindi no twiimba lwiimbo lwesu lwa kumwaika, lwa, *Ko Tolelela Zina Lya Jesu.*

²⁰⁴ Koonse ku masena eno, mukati omo Mulumbe nko waunka sunu masiku, akube kuti Leza abe andinywe eno mbuli mbo tu mwaika mu mupailo. Akube kuti umwi aumwi wanu, ku masena oko, Nda syoma mwabotelwa mbubonya mukuswiilila mbuli mbo Nda Uleta kuli ndinywe. Elyo Nda syoma kuti Leza uyo Ubikka mu myoyo yanu akumupa bupanduluzi bweelede kuli nguwo.

²⁰⁵ Elyo nywebo no bantu awa mu nkamu ya bantu abo bajisi tutambala tubikkidwe awa, Nda bikka maanza aali ntuto. Nda lomba kuti Leza uyoponya umwi aumwi wabo, takukabi bantu baciswa aakati kesu, mwabona obo Leza wesu mbwaingula mupailo.

²⁰⁶ Cindi twa bungana, “I bantu abo baitwa ku Zina Lyako baakungana antoomwe a ku komba, mpawo Uyo bavwiila kuzwa ku Julu.” Wa kasyomezya kucicita.

²⁰⁷ Aboobo, ta twaandene. Tuli Muntu buyo omwe; toonse tuli bomwe, muli Kristo Jesu. Alimwi umwi aumwi kakombela umwi aumwi; amu ndikombele mbuli mbwe Ndi mukombela. Elyo Leza amu longezye kusikila tu kamubone alimwi.

²⁰⁸ Elyo Nda syoma kuti muyo zumanana...nywebo no mukkala kuno munsu, muyo boola ku cikombelo a kuswaya kuno ku mweembeli wesu mubotu, Mukwesu Neville. Uyo mugwasya, Mukwesu Mann a bantu babotu abo mbo bajisi kuno mu cikombelo.

²⁰⁹ Ikuti na uli munsu ku Mukwesu Junior Jackson na bamwi bambi mu cisi coonse, New York a masena aandeene oko nkoba jisi miswaangano yabo, koonse kwiinda mu Arizona a California, amuswaye mabungano ayo ikuti na muli kubusena mukati kuya. Twa lomba kuti muyo bweeda alubo a kulekela mweembeli kumugwasya kunji kwa Mwami Jesu.

²¹⁰ Leza amu longezye eno kuciindi no twiimba *Ko Tolelela Zina Lya Jesu.*

...tolelela Zina lya Jesu,
Mwana wa buusu a mapenzi;
Liyo kupa lutangalo a lugwasyo,

(Ino uyo...? Uyo kubikka aa...?. . .)

...yo unka.

Zina liyandisi (Zina liyandisi), O mbolili
 bbotu! (O mbolili bbotu!)
 Bulangizi bwa nyika alutangalo lwa Julu;
 Zina liyandisi, O mbolili bbotu!
 Bulangizi bwa nyika alutangalo lwa Julu.

²¹¹ Kulanga aa mbunga sunu masiku, kubona Mukwesu Estle Beeler kusule kuya, Mukwesu Palmer, a banji, Mukwesu J. T., a banji loko bakutausi baimvwi koonse awa, Ta ndikonzyi kwiita mazina abo. Ikuti ni Nda konzya kuba andinywe, nyoonse, atala awa, alimwi nyoonse kumwaisya mbunga na kucita cintu cimwi. Nywebo mula mvwisya, embo na? Ndi lizi mujisi moyo wa Bunakristo a kuziba kuti tweelede ku...nzila mbotu—nzila mbotu bedede; tuli Muntu omwe antoomwe, muli Kristo Jesu.

²¹² Lino amuyeeye kampango aaka kacilila mbuli mbo tukaimba, kuciindi wesu Mukwesu Martin awa nayo tumwaya mu mupailo. Elyo Ndi yanda ku...Oyu Mukwesu Earl Martin kuzwa, Nda syoma, kuzwa ku Arkansas na—na Missouri. [Mukwesu Earl Martin waamba, “Missouri.”—Mul.] Missouri, nkoonya ku Arkansas, mu mundando wa Missouri kuya. Ba jisi mbungano ku musanza kuya.

²¹³ Elyo Nda bona oyu mukwesu uumbi kuzwa ku musanza kuya, Ta ndikonzyi kuyeeya zina lyakwe, Brewer. Uli kuno cifumo eci. Ndi yeeyela kuti ucinooli kuno masiku sunu. Inzya, Nda kubona koimvwi awa, Mukwesu Brewer. Nda kasyomezya kwiinda kubusena a ku tuula mabungano, ziindi zinji loko. Njo sika kuya buzuba bumwi, kwiinda ku lugwasyo lwa Mwami, mbuli Mbwe konzya.

Lino, kuciindi ne twiimba kampango aka kacilila eno.

Ku Zina lya Jesu kukotama,
 Kufugama cakuwida ku matende Aakwe,
 Mwaami wa bami ku Julu tuyo Mu samika
 musyini,
 Cindi lweendo lwesu lwamana.

Atu lwiimbe eno.

Ku Zina lya Jesu kukotama,
 Kufugama cakuwida ku matende Aakwe,
 Mwaami wa bami ku Julu tuyo Mu samika
 musyini,
 Cindi lweendo lwesu lwamana.

Zina liyandisi (Zina liyandisi), O mbolili
 bbotu! (O mbolili bbotu!)
 Bulangizi bwa nyika alutangalo lwa Julu;
 Zina liyandisi, O mbolili bbotu!
 Bulangizi bwa nyika alutangalo lwa Julu.

Oh, ko tolelela Zina lya Jesu,
 Mbuli ntobo ku toonze toonse; (amuswiilile
 eno)
 Oh, cindi masunko akubungilila, (ino weeleda
 kucita nzi?)
 Koamba buyo Zina eelyo lisalala mu
 nkombo.
 Zina liyandisi, O mbolili bbotu!
 Bulangizi bwa nyika alutangalo lwa Julu;
 Zina liyandisi, O mbolili bbotu!
 Bulangizi bwa nyika a lutangalo lwa Julu.

Atu kotamike mitwe yesu.

O Zina liyandisi, O mbolili bbotu!
 Bulangizi bwa nyika alutangalo lwa Julu;
 Zina liyandisi (bapatizigwa muli Ndilyo;
 kopaila muli Ndilyo), O mbolili bbotu!
 Bulangizi bwa nyika alutangalo lwa Julu.

Mukwesu Martin. [Mukwesu Martin wakomba—Mul.]



I KASEBYO KA MUNTU MUSONGO TNG65-0822E

(A Thinking Man's Filter)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa imu Munsondo mangolezya, Iwvivi 22, 1965, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2016 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org